



07  
4535  
PB-5

Broj: 02-04-27491-55.1/24  
Sarajevo, 09.05.2024. godine

## **GODIŠNJI PLAN PROVOĐENJA PROGRAMA RAZVOJA MALE PRIVREDE ZA 2024. GODINU**

### **1. UVOD**

Članom 10. stav (1) i (2) Zakona o poticaju razvoja male privrede („Službene novine Kantona Sarajevo“, broj: 29/15) (u daljnjem tekstu: Zakon) propisano je da Vlada Kantona Sarajevo (u daljnjem tekstu: Vlada) na prijedlog Ministarstva privrede Kantona Sarajevo (u daljnjem tekstu: Ministarstvo) donosi program razvoja male privrede za period od četiri godine, kao i da se ovim programom utvrduju smjernice razvoja, poticajne mjere, nosioci provođenja poticajnih mjera, aktivnosti provođenja, izvori sredstava, metodologija provođenja i praćenja provođenja pojedinih mjera. S tim u vezi, Vlada je shodno pomenutim odredbama Zakona donijela Program razvoja male privrede za period 2024. - 2027. godina, broj: 02-04-22998-5.1/24 od 15.04.2024. godine (u daljnjem tekstu: Program).

Članom 10. stav (3), (4) i (5) Zakona propisano je da na osnovu programa razvoja male privrede za odnosni četverogodišnji period Vlada usvaja godišnji plan provođenja programa razvoja male privrede za tekuću kalendarsku godinu, koji sadrži plan pojedinih poticajnih mjera i aktivnosti, potrebna finansijska sredstva, izvore sredstava, kriterije, uslove i način korištenja sredstava.

Shodno navedenom, Ministarstvo je pripremio Godišnji plan provođenja Programa razvoja male privrede za 2024. godinu (u daljnjem tekstu: Godišnji plan) koji je sačinjen u skladu sa Zakonom, Pravilnikom o postupcima u provođenju programa razvoja male privrede („Službene novine Kantona Sarajevo“, broj: 20/21, 25/23, 47/23 i 16/24) (u daljnjem tekstu: Pravilnik), članom 31. i 38. Zakona o izvršavanju Budžeta Kantona Sarajevo za 2024. godinu („Službene novine Kantona Sarajevo“, broj: 55/23) i Programom. Potrebno je napomenuti da je Godišnji plan, u dijelu koji se odnosi na davanje podrške za povećanje zapošljavanja i poduzetništvo mladih, usklađen sa Zakonom o mladima Federacije Bosne i Hercegovine („Službene novine Federacije BiH“, broj: 36/10) (u daljnjem tekstu: Zakon o mladima).

U Godišnjem planu prezentirane su osnovne informacije koje se odnose na opće uslove koji važe za sve pojedinačne programe koji su njime obuhvaćeni, te je dat popis pojedinačnih programa koji su predviđeni za realizaciju u 2024. godini, u kojem su popisu za svaki od ovih pojedinačnih programa prikazane osnovne informacije o posebnim uslovima i kriterijima u postupku izbora korisnika poticajnih sredstava i postupku izbora banke/banaka - partnera za realizaciju kreditne linije uz subvenciju kamatne stope. Prezentirane su i osnovne informacije o ciljevima, kategoriji korisnika poticajnih sredstava koji imaju pravo učešća, kategoriji korisnika poticajnih kreditnih sredstava koji imaju pravo učešća, ukupnom planiranom iznosu poticajnih sredstava i poticajnih kreditnih sredstava, izvoru finansiranja, maksimalnom iznosu sredstava koji se dodjeljuje odabranom korisniku poticajnih sredstava i maksimalnom iznosu kreditnih sredstava koji se dodjeljuje odabranoj banci za realizaciju kreditne linije uz subvenciju kamatne stope, informacije o prihvatljivim i neprihvatljivim troškovima i informacije o drugim potrebnim programskim elementima.

## 2. PRIKAZ INDIKATORA RAZVOJA U PERIODU OD 2020. DO 2023. GODINE


Ministarstvo je u prethodnom četverogodišnjem periodu provodilo Program razvoja male privrede za period od 2020. do 2023. godine. Po godišnjim planovima provođenja ovog Programa realizirano je ukupno 25.144.908,07 KM poticajnih sredstava. Od ovog iznosa izdvojeno je ukupno 11.004.908,07 KM grant sredstava i 14.140.000,00 sredstava namijenjenih subvenciji kamatne stope za kreditne linije koje provode odabrane banke/partneri. Kada su u pitanju sredstva za subvenciju kamatne stope, ista su dodijeljena bankama/partnerima za realizaciju kreditnih linija, a uz pomoć ovih sredstava za subvenciju subjekti male privrede na području Kantona Sarajevo imali su mogućnost finansiranja pod povoljnijim uslovima. Poticajno-razvojnim mjerama provedenim na osnovu Programa razvoja male privrede za prethodni četverogodišnji period, u finansijske tokove privrede Kantona Sarajevo uneseno je ukupno 11.004.908,07 KM grant sredstava + 130.309.088,15 KM odobrenih kreditnih sredstava uz subvenciju kamatne stope (podaci o realizaciji kreditnih linija uz subvenciju kamatne stope do 2022. godine) = 141.313.996,22 KM.

Vezano za prednje navedeni period provođenja predmetnih poticajnih mjera, Ministarstvo je izvršilo analizu makroekonomskih indikatora u svrhu utvrđivanja korelacije između provedenih mjera i ostvarivanja određenih ciljeva razvoja male privrede, te je predmetnom analizom utvrđeno da su u periodu od 2020. do 2023. godine mjere provedene na osnovu Zakona pozitivno korelirale sa rastom relevantnih makroekonomskih indikatora razvoja.

Tabela 1. Prikaz makroekonomskih indikatora razvoja

Broj poslovnih subjekata	2020	2021	2022	2023
KANTON SARAJEVO	32.448	33.828	35.065	36.347
Broj zaposlenih	2020	2021	2022	2023
KANTON SARAJEVO	150.451	152.576	145.828	148.133
Prihod od izvoza (000KM)	2020	2021	2022	2023
KANTON SARAJEVO	1.308.691	1.659.651	1.980.578	1.829.116

Grafikon 1. Broj poslovnih subjekata u periodu od 2020. - 2023. godine




Broj poslovnih subjekata pokazuje konstantnu tendenciju rasta u posmatranom periodu, uz dobre izgleda da se takav trend nastavi i u narednoj godini (prognoza logaritamskim trendom uz koeficijent determinacije  $R^2 = 0,97$ ). Vrijednosti ovog indikatora zasad se čine otpornim na značajne egzogene faktore prisutne u posmatranom intervalu, poput posljedica pandemije Covid-19 virusa i globalnih poremećaja tržišta uzrokovanih ratom u Ukrajini i pritiska recentne inflacije u svijetu i kod nas.

Grafikon 2. Broj zaposlenih u periodu od 2020. - 2023. godine



Broj zaposlenih u Kantonu Sarajevo se u proteklih nekoliko godina kretao oko 150.000 osoba, uz neznatan pad u 2022. godini od 4,42% u odnosu na prethodnu godinu, ali i oporavak od 1,58% zabilježen godinu dana kasnije. Iako u relativnom smislu nisu visoke, oscilacije u broju zaposlenih u periodu 2022. - 2023. godine nisu zanemarive ako se posmatraju u apsolutnom iznosu. Ipak, prognoza polinomnim trendom za narednu godinu je optimistična i predviđa dalji porast broja zaposlenih koji se svakako mora posmatrati u okvirima realnog potencijala tržišta rada u Kantonu Sarajevo.

Grafikon 3. Broj zaposlenih u periodu od 2020. - 2023. godine



U prvim godinama prihodi od izvoza bilježe godišnji prirast od blizu 300 miliona KM, s maksimumom od blizu 2 milijarde KM u 2022. godini. Takva pozitivna tendencija je donekle narušena smanjenjem za 151 milion KM, što je ipak zadržalo pozitivnom prognozu za narednu godinu. Ako se uzme u obzir da je prognoza nešto manje pouzdana nego kod drugih pokazatelja, očekivani prihodi u 2024. godini bi mogli biti iznad prosjeka posmatranog intervala.

U prve tri godine intervala, sva tri pokazatelja pokazuju primjetan rast, što odražava izvjestan zamah u ekonomiji Kantona. Razumno je pretpostaviti da više poslovnih subjekata na istom prostoru rezultira povećanjem prihoda svih oblika, pa tako i prihoda od izvoza. Na to upućuje i sličan oblik krivulja matematskih modela korištenih u prognostičke svrhe, kao i koeficijent korelacije od 0.85 između broja subjekata i prihoda od izvoza - iako, strogo uzevši, korelacija ne upućuje nužno i na funkcionalnu zavisnost između analiziranih veličina. Primjetan pad broja zaposlenih u 2022. godini mogao je teoretski uzrokovati smanjenje obima izvoza godinu dana kasnije, posebno ako je do odliva

u broju zaposlenih došlo u izvozno orijentisanim djelatnostima i subjektima. Pad broja zaposlenih u 2022. godini, uz porast broja subjekata može upućivati na promjene u distribuciji korpusa zaposlenih u smjeru mikro i malih pravnih lica, što bi trebalo dodatno ispitati radi potvrde ovakvih pretpostavki. Broj zaposlenih koji značajno negativno korelira s prihodima od izvoza treba posmatrati u kontekstu aktuelnih inflatornih tokova - naizgled manji broj zaposlenih mogao je generisati više prihoda pod uslovom da je došlo do poskupljenja proizvoda namijenjenih izvozu, što također ostaje predmet daljih ispitivanja.

Temeljem sistemske podrške kao i sprovođenjem Zakona napravljen je značajan pomak kroz programe dodjele poticajnih sredstava malim i srednjim preduzećima čime je omogućeno da se svake godine u Budžetu Kantona Sarajevo planiraju sredstva za provođenje ovog Zakona u visini od 0,5% do 2% vrijednosti Budžeta Kantona Sarajevo iz prethodne godine. Unapređenje poslovnog ambijenta kroz pojednostavljenje procedura i smanjivanje troškova registracije biznisa i provođenje usvojenih godišnjih planova poticaja male privrede u periodu od 2020. - 2023. godine u Kantonu Sarajevo rezultiralo je povećanjem određenih relevantnih makroekonomskih indikatora koji pokazuju ostvarenje ciljeva razvoja male privrede.

### 3. OPĆI USLOVI ZA DODJELU POTICAJNIH SREDSTAVA

Pravo na poticajna sredstva iz Budžeta Kantona Sarajevo za 2024. godinu namijenjena za realizaciju Godišnjeg plana mogu ostvariti subjekti po pojedinačnim programima od 4.2.1 do 4.2.11 ako ispunjavaju uslove propisane Godišnjim planom i odnosnim javnim pozivom. Kada su u pitanju programi iz tačaka od 4.2.1 do 4.2.10, pravo na poticajna sredstva po ovim programima mogu ostvariti subjekti male privrede, koji su kao takvi definisani Zakonom.

#### 1. Opći uslov - obavljanje registrovane osnovne djelatnosti

Kada je u pitanju vrsta djelatnosti, po pojedinačnim programima od 4.2.1 do 4.2.10 pravo na poticajna sredstva po Godišnjem planu mogu ostvariti subjekti male privrede koji obavljaju registrovanu osnovnu djelatnost prema Klasifikaciji djelatnosti BiH 2010 („Službeni glasnik BiH“, broj 47/10), kako slijedi:

a) **Program 4.2.1** „Obezbjedenje kreditiranja pod povoljnijim uslovima“, **Program 4.2.2** „Podrška za osnivanje poslovnih subjekata kategoriji stanovništva od 36-55 godina starosti“, **Program 4.2.3** „Podrška mladima za osnivanje poslovnih subjekata“ i **Program 4.2.4** „Poticaj direktnih stranih ulaganja - Podrška za osnivanje pravnog lica čiji je osnivač strani ulagač“:

**Područje C** - Prerađivačka industrija, šifre djelatnosti: (10.11-10.92), 11.07, (13.10-18.20), (20.11-25.30) i (25.50-33.20);

**Područje D** - Proizvodnja i snabdijevanje električnom energijom, plinom, parom i klimatizacija, šifra djelatnosti: 35.11;

**Područje E** - Opskrba vodom; uklanjanje otpadnih voda, gospodarenje otpadom te sanacije okoliša, šifre djelatnosti: 38.11, 38.12, 38.21, 38.22, 38.31 i 38.32;

**Područje F** - Građevinarstvo, šifre djelatnosti: (41.10-43.99);

**Područje G** - Trgovina na veliko i na malo; Popravak motornih vozila i motocikala, šifre djelatnosti: (45.11-45.40), (46.21-46.24), (46.31-46.33), (46.36-46.39), (46.41-46.77), 46.90, (47.11-47.24), 47.29 i (47.41-47.79);

**Područje H** - Prevoz i skladištenje, šifre djelatnosti: 49.31, 49.39, 49.41, 49.42, 52.10, 52.21, 52.23, 52.24 i 52.29;

**Područje I** - Djelatnosti pružanja smještaja te pripreme i usluživanja hrane, šifre djelatnosti: (55.10-56.29);

**Područje J** - Informacije i komunikacije, šifre djelatnosti: (58.11-63.99);

**Područje M** - Stručne, znanstvene i tehničke djelatnosti, šifre djelatnosti: (69.10-75.00);

**Područje N** - Administrativne i pomoćne uslužne djelatnosti, šifre djelatnosti: (79.11 -79.90), (81.21-81.30), 82.11 i 82.20;



**Područje P** - Obrazovanje, šifre djelatnosti: 85.10 i (85.51-85.60);

**Područje Q** - Djelatnosti zdravstvene zaštite i socijalne skrbi, šifre djelatnosti: (86.21-88.99) i

**Područje S** - Ostale uslužne djelatnosti, šifre djelatnosti: (95.11-96.04).

b) **Program 4.2.6** „Finansijski poticaj sa inkubacijom za novoosnovane poslovne subjekte“:

**Područje J** - Informacije i komunikacije, šifre djelatnosti: 58.21, 58.29, (62.01-63.11);

**Područje M** - Stručne, znanstvene i tehničke djelatnosti, šifre djelatnosti: (69.10-69.20), (70.10-71.12), (72.19-72.20), 73.11, 73.20, 74.10, 74.30, 74.90 i

**Područje N** - Administrativne i pomoćne uslužne djelatnosti, šifre djelatnosti: 78.10, 78.20, 78.30, 79.11, (82.11-82.91) i 82.99.

c) **Program 4.2.7** „Poticaj za unapređenje poduzetništva u IT industriji, industriji globalnih poslovnih servisa, metalnoj industriji i drvnoprerađivačkoj industriji u svrhu novog zapošljavanja“:

**Područje C** - Prerađivačka industrija, šifre djelatnosti: (16.10-16.29), (24.10-24.54), (25.11 - 25.99), (27.11-27.12), (28.41-28.49), 28.91, 31.01, 31.02, 31.09, 38.32 i 43.22.

**Područje J** - Informacije i komunikacije, šifre djelatnosti: 58.21, 58.29, 62.01, 62.02, 62.03, 62.09, 63.11 i 63.99;

**Područje M** - Stručne, znanstvene i tehničke djelatnosti, šifre djelatnosti: (69.10-74.90);

**Područje N** - Administrativne i pomoćne uslužne djelatnosti, šifre djelatnosti: (78.10-79.90) i (82.11-82.99).

d) **Program 4.2.5** „Poticaj za ulaganja novoosnovanih poslovnih subjekata registrovanih u 2023. i 2024. godini“; **Program 4.2.8** „Refundiranje troškova tehnološke modernizacije, uvođenja/obnavljanja standarda kvaliteta i digitalizacije poslovanja“, **Program 4.2.9** „Poticaj za nova ulaganja u tehnološku modernizaciju i primjenu standarda kvalitete“ i **Program 4.2.10** „Poticaj razvoja ženskog poduzetništva“:

**Područje C** - Prerađivačka industrija, šifre djelatnosti: (10.11-10.92), 11.07, (13.10-18.20), (20.11-25.30) i (25.50-33.20);

**Područje D** - Proizvodnja i snabdijevanje električnom energijom, plinom, parom i klimatizacija, šifre djelatnosti: 35.11;

**Područje E** - Opskrba vodom; uklanjanje otpadnih voda, gospodarenje otpadom te sanacije okoliša, šifre djelatnosti: 38.11, 38.12, 38.21, 38.22, 38.31 i 38.32;

**Područje F** - Građevinarstvo, šifre djelatnosti: (41.10-43.99);

**Područje G** - Trgovina na veliko i na malo; Popravak motornih vozila i motocikala, šifra djelatnosti: 45.20;

**Područje H** - Prevoz i skladištenje, šifre djelatnosti: 49.31, 49.39, 49.41, 49.42, 52.10, 52.21, 52.23, 52.24 i 52.29;

**Područje I** - Djelatnosti pružanja smještaja te pripreme i usluživanja hrane, šifre djelatnosti: (55.10-56.29);

**Područje J** - Informacije i komunikacije, šifre djelatnosti: (58.11-63.99);

**Područje M** - Stručne, znanstvene i tehničke djelatnosti, šifre djelatnosti: (69.10-75.00);

**Područje N** - Administrativne i pomoćne uslužne djelatnosti, šifre djelatnosti: (79.11 -79.90), (81.21-81.30), 82.11 i 82.20;

**Područje P** - Obrazovanje, šifre djelatnosti: 85.10 i (85.51-85.60);

**Područje Q** - Djelatnosti zdravstvene zaštite i socijalne skrbi, šifre djelatnosti: (86.21-88.99) i

**Područje S** - Ostale uslužne djelatnosti, šifre djelatnosti: (95.11-96.04).

## 2. Ostali opći uslovi

a) Po pojedinačnim programima od 4.2.1 do 4.2.10 iz ovog Godišnjeg plana, subjekti male privrede/podnosioci prijave registrovanu osnovnu djelatnost prema Klasifikaciji djelatnosti



KD BiH 2010 („Službeni glasnik BiH“, broj: 47/10) dokazuju dostavljanjem dokumenta koji izdaje Federalni zavod za statistiku - Služba za statistiku za područje Kantona Sarajevo - Obavještenje o razvrstavanju poslovnog subjekta prema klasifikaciji djelatnosti (u daljnjem tekstu: Obavještenje službe za statistiku).

- b) Po Programu 4.2.7, podnosilac prijave sa šifrom osnovne djelatnosti: 63.99, (69.10-74.90) i (78.10-79.90) mora ispunjavati uslov da je u 2023. godini ostvario više od 50% prihoda na stranim tržištima.
- c) Poticajna sredstva se neće dodijeliti subjektima male privrede nad kojima je otvoren stečajni ili likvidacioni postupak, te onim subjektima koji su obustavili poslovnu djelatnost, kao i subjektima koji imaju dospjeli dug po osnovu poreza i doprinosa, osim ako je subjekt uz prijavu dostavio potpisan ugovor sa Poreznom upravom Federacije BiH i/ili Upravom za indirektno oporezivanje BiH o otplati duga na rate.
- d) Podnosilac prijave nema pravo na poticajna grant sredstva za predmet poticaja za koji je primio poticajna grant sredstva putem drugih programa finansiranja/sufinansiranja: Vlade Kantona Sarajevo, neke druge institucije u FBiH ili nevladine organizacije. Ukoliko se naknadno utvrdi da je koristio sredstva poticaja iz bilo kojeg od ovih izvora, obavezan je izvršiti povrat dodijeljenih poticajnih grant sredstava sa pripadajućim zakonskim zateznim kamatama.
- e) Podnosilac prijave nema pravo na poticajna grant sredstva ukoliko ne dostavi odgovarajuće izjave kojima potvrđuje da odgovorna osoba u subjektu nije pravosnažno osuđivana za krivična djela prevare u privrednom poslovanju, davanje i primanje dara, te druga krivična djela povezana s korupcijom.
- f) Najveći pojedinačni iznos sredstava poticaja koji se dodjeljuju podnosiocima prijave po pojedinačnim programima propisuje se u ovom Godišnjem planu i odnosnom javnom pozivu.
- g) Ukoliko se utvrdi da je subjekt u skladu s odnosnim javnim pozivom ostvario pravo na temelju dostavljene neistinite dokumentacije, obavezan je izvršiti povrat dodijeljenih poticajnih grant sredstava sa pripadajućim zakonskim zateznim kamatama, odnosno izvršiti povrat sredstava za subvenciju kamata po odobrenom kreditu sa pripadajućim zakonskim zateznim kamatama.
- h) Javni poziv za izbor korisnika poticajnih grant sredstava objavljuje Ministarstvo. Javni pozivi objavljuju se na web stranici ovog Ministarstva, a odnosna obavještenja o ovim javnim pozivima objavljuju se u „Službenim novinama Kantona Sarajevo“ i dnevnom listu čiji je izdavač - pravno lice sa sjedištem u Kantonu Sarajevo.
- i) Osim Programa 4.2.1 „Obezbjedenje kreditiranja pod povoljnijim uslovima“ i 4.2.11 „Poticaj projektima promocije obrtništva“, po osnovu ovog Godišnjeg plana subjekt male privrede može podnijeti najviše dvije prijave, tj. po jednu prijavu za najviše dva pojedinačna programa. U slučaju da subjekt podnosi dvije prijave po odnosnim programima iz ovog Godišnjeg plana obavezan je u prijavi navesti koja je prijava prioritetna. Ukoliko su obje prijave formalno-pravno ispravne, Ministarstvo će razmotriti i odobriti poticaj za samo jednu prijavu prema označenom prioritetu ili redoslijedu zaprimanja prijava na protokolu ukoliko u istim nije navedeno koja je prijava prioritetna. Opću dokumentaciju koja se traži Javnim pozivom, subjekt može dostaviti uz samo jednu prijavu, pri čemu je obavezan u prijavi navesti uz koju prijavu je dostavio opću dokumentaciju.
- j) U skladu sa članom 10. Pravilnika podnosilac prijave koji do objave Javnog poziva ne opravda dodijeljena poticajna sredstva po ranije preuzetim ugovornim obavezama, nema pravo učešća, odnosno, njegova se prijava neće razmatrati.
- k) Osim Programa 4.2.1 „Obezbjedenje kreditiranja pod povoljnijim uslovima“ i Programa 4.2.11 „Poticaj projektima promocije obrtništva“, na podnosioca prijave primjenjuje se ograničenje korištenja poticajnih sredstava iz člana 10. stav (2) važećeg Pravilnika donesenog na osnovu člana 13. Zakona o poticaju razvoja male privrede. (U skladu sa članom 9. Pravilnika ovo ograničenje se ne odnosi na nosioce Programa iz člana 16. Zakona).



- l) U slučaju da se nakon obrađenih svih prijava po pojedinačnim programima: 4.2.5, 4.2.7, 4.2.8, 4.2.9, 4.2.10 i 4.2.11 iz ovog Godišnjeg plana, u postupku izbora korisnika poticajnih sredstava po odnosnom pojedinačnom programu utvrdi da je planirani iznos sredstava za taj pojedinačni program veći od iznosa sredstava utvrđenog nakon svih obrađenih prijava za taj pojedinačni program, taj dio sredstava može se preraspodijeliti i odobriti na one pojedinačne programe za koje planirana sredstva nisu dostatna, tj. dovoljna shodno zaprimljenim i obrađenim urednim prijavama. Odnosna preraspodjela sredstava po pojedinačnim programima utvrđuje se odlukom Ministarstva i odnosi se na sve javne pozive za izbor korisnika poticajnih sredstava po pojedinačnim programima: 4.2.5, 4.2.7, 4.2.8, 4.2.9, 4.2.10 i 4.2.11 iz ovog Godišnjeg plana.
- m) Ukoliko preraspodjelom sredstava iz podtačke l) ove tačke nije moguće obezbijediti iznose sredstava koji su dostatni, tj. dovoljni shodno zaprimljenim i obrađenim urednim prijavama za pojedinačne programe: 4.2.5, 4.2.7, 4.2.8, 4.2.9, 4.2.10 i 4.2.11 iz ovog Godišnjeg plana, preraspodjela sredstava u cilju obezbjeđenja sredstava do potrebnog iznosa po pojedinačnom programu, izvršit će se prema sljedećem redoslijedu pojedinačnih programa: 4.2.8, 4.2.9, 4.2.10, 4.2.5, 4.2.7 i 4.2.11.
- n) Ako se preraspodjelom sredstava iz podtačaka l) i m) ove tačke ne obezbijedi potreban iznos sredstava po određenim - preostalim pojedinačnim programima iz redoslijeda iz podtačke m) ove tačke, podnosioci prijave po tim pojedinačnim programima mogu ostvariti pravo na poticajna sredstva u proceduri ocjenjivanja prijave prema sljedećim kriterijima: A - Vrsta djelatnosti (četiri grupe, maksimalno 30 bodova); B - Broj zaposlenih (četiri grupe, maksimalno 40 bodova); i C - Ostvareni prihod (četiri grupe, maksimalno 30 bodova). Za kriterije: A, B i C, iznos bodova u svakoj pojedinačnoj grupi utvrđuje se odnosnim javnim pozivom. Za Program 4.2.5 - "Poticaj za ulaganja novoosnovanih poslovnih subjekata registrovanih u 2023. i 2024. godini" bodovanje se vrši isključivo prema kriterijima: A i B.
- o) Nakon izvršenog bodovanja iz podtačke n) ove tačke, za grupu aplikanata koji ostvare broj bodova koji se u cijelosti nalazi unutar definiranog limita sredstava po odnosnom pojedinačnom programu (Grupa I), bit će isplaćen cjelokupan iznos sredstava traženih u odnosnim pojedinačnim prijavama ovih aplikanata.
- p) Za preostala sredstva formira se Grupa II od preostalih aplikanata sa najvećim brojem bodova. Ovim aplikantima sredstva će biti isplaćena proporcionalno iznosu sredstava iz odnosnog zahtjeva i sredstava koja su preostala nakon raspodjele sredstava iz podtačke o) ove tačke. Iznos sredstava koji će biti isplaćen po pojedinačnom aplikantu iz Grupe II obračunava se na sljedeći način: (Ukupan preostali iznos sredstava do definiranog limita sredstava po odnosnom pojedinačnom programu/Ukupan traženi iznos sredstava svih aplikanata iz Grupe II) x (Pojedinačni traženi iznos sredstava aplikanta iz Grupe II).

#### **4. PROGRAMI POTICAJA RAZVOJA SUBJEKATA MALE PRIVREDE**

U skladu sa Programom razvoja male privrede za period 2024. - 2027. godina primarni strateški cilj koji se želi postići ovim Godišnjim planom je razvojni cilj kao i daljnja stabilizacija poslovanja subjekata male privrede u Kantonu Sarajevo. Dodatno, u skladu sa privrednim prilikama, nastojat će se povećati broj subjekata male privrede i broj zaposlenih u Kantonu Sarajevo. Za realizaciju definisanih ciljeva utvrđeno je nekoliko prioriteta zajedno sa mjerama/programima koji će doprinijeti njihovoj realizaciji u 2024. godini, i to:

##### **PRIORITET 1.**

##### **Unapređenje dostupnosti izvora finansiranja:**

Kreditiranje subjekata male privrede pod povoljnijim uslovima.



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-000, Fax: + 387 (0) 33 562-076  
Web: <http://vlada.ks.gov.ba>, E-mail: [vlada@vlada.ks.gov.ba](mailto:vlada@vlada.ks.gov.ba)

## PRIORITET 2.

### Razvoj poduzetničkog okruženja, podrška likvidnosti, obezbjeđenje novih obrtnih sredstava, unapređenje poslovanja i nova ulaganja:

- Poticaj za tehnološku modernizaciju, primjenu standarda kvaliteta i digitalizaciju poslovanja;
- Poticaj za nova ulaganja u tehnološku modernizaciju i primjenu standarda kvaliteta u cilju unapređenja konkurentnosti i/ili novog zapošljavanja;
- Poticaj za ulaganja novoosnovanih poslovnih subjekata registrovanih u 2023. i 2024. godini;
- Poticaj razvoja ženskog poduzetništva.

## PRIORITET 3.

### Podrška formiranju novih subjekata i zapošljavanju sa posebnim fokusom na mlade:

- Poticaj za razvoj poduzetništva mladih;
- Poticaj za razvoj poduzetništva kategorije stanovništva od 36-55 godina starosti;
- Finansijski poticaj sa inkubacijom za novoosnovane poslovne subjekte;
- Poticaj za unapređenje poduzetništva u IT industriji, industriji globalnih poslovnih servisa, metalskoj industriji i drvnoprerađivačkoj industriji u svrhu novog zapošljavanja;
- Poticaj za direktna strana ulaganja - Podrška za osnivanje pravnog lica čiji je osnivač strani ulagač;
- Poticaj projektima promocije obrtništva.

## 4.1. POTICAJNE MJERE/PROGRAMI I PLANIRANA SREDSTVA

Poticajne mjere i aktivnosti utvrđene su na osnovu raspoloživih statističkih informacija, provedenih analiza privredne strukture i kretanja poduzetništva i obrtništva u Kantonu Sarajevo, realizacije mjera iz dosadašnjih programa poticaja razvoja obrta, malog i srednjeg poduzetništva, te identificiranih razvojnih potreba obrtnika i poduzetnika. Ovisno o uočenim potrebama obrtnika i poduzetnika te o kretanjima u privredi Kantona Sarajevo, pojedine mjere su u odnosu na prethodne godine nadograđene. Mjera/pojedinačni program: "Subvencioniranje-refundiranje kamata po kreditu kod komercijalnih banaka" je uklonjena zbog niskog stepena realizacije, a dodate su nove mjere/pojedinačni programi poput mjera: "Poticaj direktnih stranih ulaganja - Podrška za osnivanje pravnog lica čiji je osnivač strani ulagač", "Poticaj za ulaganja novoosnovanih poslovnih subjekata registrovanih u 2023. i 2024. godini" i "Finansijski poticaj sa inkubacijom za novoosnovane poslovne subjekte". Također, prošlogodišnje mjere: "Poticaj za unaprjeđenje IT poduzetništva u svrhu novog zapošljavanja" i "Poticaj za unaprjeđenje poduzetništva u domenu pružanja administrativnih usluga dominantno izvozne orijentacije" obuhvaćene su u novoj proširenoj mjeri pod nazivom - "Poticaj za unapređenje poduzetništva u IT industriji, industriji globalnih poslovnih servisa, metalskoj industriji i drvnoprerađivačkoj industriji u svrhu novog zapošljavanja". U skladu sa čl. 9. i 12. Zakona, Ministarstvo za 2024. godinu planira provođenje poticajnih mjera i aktivnosti radi ostvarivanja ciljeva razvoja male privrede, te je utvrdilo pojedinačne programe kojima se uređuje način njihovog provođenja u skladu sa Zakonom i Pravilnikom, kako slijedi:

R/b	Naziv Programa	Vrsta sredstava	Cilj/Namjena	Iznos (KM)
1.	Obezbjeđenje kreditiranja pod povoljnijim uslovima	Grant sredstva	Obezbjeđenje povoljnog finansiranja privrednih subjekata putem banke/banaka sa subvencioniranom kamatom	3.000.000,00
2.	Podrška za osnivanje poslovnih subjekata kategoriji	Grant sredstva	Poticaj za nezaposlene kreativne pojedince s inovativnim i provodivim	750.000,00





	stanovništva od 36-55 godina starosti		poslovnim idejama za pokretanje vlastitog biznisa	
3.	Podrška mladima za osnivanje poslovnih subjekata	Grant sredstva	Poticaj za nezaposlene kreativne mlade pojedince s inovativnim i provodivim poslovnim idejama za pokretanje vlastitog biznisa	750.000,00
4.	Poticaj direktnih stranih ulaganja - Podrška za osnivanje pravnog lica čiji je osnivač strani ulagač	Grant sredstva	Poticaj za ulaganja u tehnološku modernizaciju, uvođenje standarda kvaliteta i digitalizaciju poslovanja za novosnovana pravna lica čiji je osnivač strani ulagač	350.000,00
5.	Poticaj za ulaganja novoosnovanih poslovnih subjekata registrovanih u 2023. i 2024. godini	Grant sredstva	Poticaj za ulaganja u tehnološku modernizaciju, uvođenje standarda kvaliteta i digitalizaciju poslovanja za poslovne subjekte registrovane u 2023. i 2024. godini	400.000,00
6.	Finansijski poticaj sa inkubacijom za novoosnovane poslovne subjekte	Grant sredstva i inkubacija	Finansijski poticaj i inkubacija za subjekte male privrede koje su u 2024. godini osnovali kreativni mladi pojedinci	750.000,00
7.	Poticaj za unapređenje poduzetništva u IT industriji, industriji globalnih poslovnih servisa, metalskoj industriji i drvnoprerađivačkoj industriji u svrhu novog zapošljavanja	Grant sredstva	Poticaj za sufinansiranje ili subvencioniranje obuka i novo zapošljavanje u IT industriji, industriji globalnih poslovnih servisa, metalskoj industriji i drvnoprerađivačkoj industriji	450.000,00
8.	Refundiranje troškova tehnološke modernizacije, primjene standarda kvaliteta i digitalizacije poslovanja	Grant sredstva	Refundiranje dijela plaćenih troškova: mašina, opreme za primjenu tehničkih normi i standarda kvaliteta, digitalizaciju poslovanja u cilju podrške likvidnosti i/ili novom zapošljavanju	1.000.000,00
9.	Poticaj za nova ulaganja u tehnološku modernizaciju i primjenu standarda kvaliteta	Grant sredstva	Subvencioniranje dijela troškova novih ulaganja u mašine i opremu, za primjenu tehničkih normi i standarda kvaliteta, digitalizaciju poslovanja u cilju unapređenja konkurentnosti i izvoza	500.000,00
10.	Poticaj razvoja ženskog poduzetništva	Grant sredstva	Subvencija troškova razvoja za pokretanje i održavanje privredne aktivnosti MSP-ova	500.000,00



			u minimalno 51% privatnom vlasništvu žena državljanke Bosne i Hercegovine	
11.	Poticaj projektima promocije obrtništva	Grant sredstva	Razvoj, afirmacija obrta, očuvanje obrtničke tradicije i starih obrtničkih djelatnosti	50.000,00
<b>UKUPAN PLANIRANI IZNOS SREDSTAVA ZA PROVOĐENJE PROGRAMA U 2024. GODINI</b>				<b>8.500.000,00</b>

## 4.2. INSTRUMENTI PROVEDBE PRIORITETNIH CILJEVA

### 4.2.1 Program: „Obezbjedenje kreditiranja pod povoljnijim uslovima“

#### Pravo i uslovi za dodjelu poticajnih kreditnih sredstava

Pravo na dodjelu poticajnih kreditnih sredstava (uz subvencioniranu kamatnu stopu) ostvaruju subjekti male privrede definisani Zakonom koji obavljaju osnovnu djelatnost propisanu podtačkom a) tačke 3.1 Opći uslov - obavljanje registrovane osnovne djelatnosti. Subjektima male privrede koji imaju sjedište na području Kantona Sarajevo je ovim programom obezbijedena mogućnost kreditiranja pod povoljnijim uslovima uz subvencioniranje kamatne stope od strane Ministarstva. Kreditiranje se vrši putem banke/banaka izabrane/izabranih prema kriterijima i uslovima iz ovog Godšnjeg plana i Javnog poziva za odabir banke/banaka za plasman kreditne linije.

#### Namjena utroška dodijeljenih poticajnih kreditnih sredstava

Kreditna linija uz subvencioniranu kamatnu stopu ima za cilj da pruži finansijsku podršku subjektima male privrede i to kako je to prikazano u tabeli ispod:

Broj LOT-a	Kategorija	Ukupan iznos sredstava za subvenciju kamatne stope (KM)	Maksimalni rok otplate kredita <sup>1</sup> (mjeseci)	Visina kamatne stope za subvenciju	Maksimalni iznos kreditnih sredstava po korisniku (KM)
LOT 1	Srednji subjekti male privrede u skladu sa Zakonom	1.500.000,00	84	do 3%	2.000.000,00
LOT 2	Mikro i mali subjekti male privrede u skladu sa Zakonom	1.500.000,00	84	do 3%	2.000.000,00

Kreditne linije uz subvencioniranu kamatnu stopu po LOT-u 1 i LOT-u 2 imaju za cilj da pruže finansijsku podršku subjektima male privrede za nabavku osnovnih sredstava i investicije (dugoročna finansiranja), za obezbjedenje tekuće likvidnosti, produktivnije poslovanje i rast privrednih aktivnosti, kao i za finansiranja za trajna obrtna sredstva. Subjekti male privrede kojima se odobre kreditna sredstva iz ove kreditne linije obavezuju se da ista koriste na način da najmanje 50% odobrenog iznosa utroše za osnovna sredstva, a maksimalno do 50% odobrenog kreditnog iznosa za obrtna sredstva i održavanje tekuće likvidnosti. Korisnik poticajnih kreditnih sredstava obavezan je zadržati minimalno 70% od broja uposlenih koji je imao na dan podnošenja prijave. Sredstva iz ove kreditne linije trebaju omogućiti subjektima male privrede kupovinu mašina i opreme, razvoj i

<sup>1</sup> Ne uključujući grace period.



pokretanje novih aktivnosti, održavanje i unapređenje postojeće proizvodnje, veća iskorištenja privrednih kapaciteta, ekonomsku stabilnost privrednih subjekata, održavanje postojećih radnih mjesta i novo zapošljavanje, očuvanje postojećih subjekata male privrede, povećanje izvoza i obezbjeđenje redovnog poslovanja. Izbor korisnika kreditnih sredstava i iznos pojedinačnih poticajnih kreditnih sredstava, u skladu sa uslovima iz ovog Godišnjeg plana i kreditnim potencijalom odnosnog subjekta male privrede, utvrđuje odabrana banka.

### **Iznos i rok dodjele poticajnih kreditnih sredstava**

Odabrana banka po LOT-u 1 ovog programa, u skladu sa odnosnim propisima i pravilima struke obezbjeđuje sredstva za kreditnu liniju srednjim subjektima male privrede u pojedinačnom iznosu do 2.000.000,00 KM, na rok do sedam godina (84 mjeseca) koji ne uključuje grace period. Godišnjim planom u 2024. godini za subvenciju troškova po osnovu kamatne stope u visini do 3,0% planiran je iznos od 1.500.000,00 KM, a ova subvencija se odnosi na kratkoročna i dugoročna kreditna sredstva plasirana putem odabrane banke.

Odabrana banka po LOT-u 2 ovog programa, u skladu sa odnosnim propisima i pravilima struke obezbjeđuje sredstva za kreditnu liniju mikro i malim subjektima male privrede u pojedinačnom iznosu do 2.000.000,00 KM, na rok do sedam godina (84 mjeseca) koji ne uključuje grace period. Godišnjim planom u 2024. godini za subvenciju troškova po osnovu kamatne stope u visini do 3,0% planiran je iznos od 1.500.000,00 KM, a ova subvencija se odnosi na kratkoročna i dugoročna kreditna sredstva plasirana putem odabrane banke.

Sredstva za subvenciju kamata obezbijedena su u Budžetu Kantona Sarajevo za 2024. godinu.

### **Uslovi i kriteriji za izbor banke za plasman kreditnih sredstava uz subvenciju kamate**

Po LOT-u 1 i LOT-u 2 ovog programa, uslovi i kriteriji za izbor banke za plasman kreditnih sredstava uz subvenciju kamatne stope do 3,0% su sljedeći: Banke u svojim prijavama dostavljaju ponude za plasman kreditnih sredstava vodeći računa o sljedećim kriterijima: visini fiksne kamatne stope (iskazanoj u %); visini troškova obrade kredita (iskazanoj u %) i grace periodu (iskazanom u mjesecima) koji za dugoročne kredite ne može biti manji od šest mjeseci. Broj bodova po ovim kriterijima propisuje se javnim pozivom za ovaj pojedinačni program. Za realizaciju kreditne linije po svakom od LOT-ova iz ovog programa bira se po jedna banka. U ovisnosti od rezultata evaluacije uslova i kriterija po javnom pozivu, jedna banka može biti odabrana za realizaciju kreditne linije po oba LOT-a ovog programa.

U slučaju da dvije ili više banaka, nakon ocjenjivanja ponuda, ostvare isti broj bodova, prednost u postupku izbora banaka imat će ponuda banke čija je veća adekvatnost kapitala na dan 31.12.2023. godine. Planirana struktura rasporeda poticajnih sredstava namijenjenih za subvenciju troškova kamate u iznosu od 3.000.000,00 KM po ovom programu se vrši na sljedeći način: prvorangirane banke po LOT-u 1 i LOT-u 2 ovog programa ostvaruju pravo na po 50% ovih sredstava, odnosno na po 1.500.000,00 KM pojedinačno.

Odabrana banka po LOT-u 1 i LOT-u 2 koja zaključi ugovor o poslovnoj saradnji sa Ministarstvom ima obavezu da iskoristi minimalno 80% dodijeljenih sredstava za subvenciju do isteka ugovorenog roka za zaključenje ugovora sa korisnicima sredstava predmetne kreditne linije, a za šta se banka obavezuje dostaviti bezuslovnu i na prvi poziv naplativu garanciju za dobro izvršenje ugovora u visini od 10% od cjelokupnog iznosa dodijeljene subvencije, i to sa rokom važnosti 30 dana dužim od roka za zaključenje ugovora sa korisnicima sredstava. U slučaju da odabrana banka do krajnjeg roka ne iskoristi minimalno 80% dodijeljenih sredstava za subvenciju, ova banka dužna je platiti ugovornu kaznu u iznosu od 10% od iznosa dodijeljenih sredstava za subvenciju u roku utvrđenom ugovorom o poslovnoj saradnji. Ukoliko ova banka propusti uplatiti predmetnu ugovornu kaznu u utvrđenom roku Ministarstvo ima pravo na naplatu bankovne garancije za dobro izvršenje ugovora. Odabir banaka za provođenje kreditne linije po svakom od pojedinačnih LOT-ova ovog programa utvrđuje se na osnovu dostavljene ponude i utvrđene rang liste odabranih banaka. U slučaju da se u postupku izbora banaka ne izabere niti jedna banka ili se izabere banka samo za jedan LOT može se



objaviti novi (drugi) javni poziv za izbor banke za preostala odnosna poticajna sredstva. Ostali uslovi i kriteriji se propisuju javnim pozivom za ovaj pojedinačni program.

Svrha	Pristup finansijskim sredstvima pod povoljnijim uslovima, odnosno smanjenje troškova finansiranja, održavanje tekuće likvidnosti, pokretanje poslovanja, podrška investicijskim ciklusima poduzetnika
Korisnici	Srednji subjekti male privrede u skladu sa Zakonom Mikro i mali subjekti male privrede u skladu sa Zakonom
Nosilac aktivnosti	Ministarstvo privrede Kantona Sarajevo
Sunosocioci aktivnosti	Komercijalne banke BiH (banke za plasman kreditnih sredstava)
Način provođenja	Javni poziv
Aktivnosti	Dodjela poticajnih kreditnih sredstava za subjekte male privrede uz subvenciju kamata (po povoljnijim uslovima u odnosu na standardne uslove u komercijalnim bankama). Subvencioniranje/refundiranje troškova kamata na kredite
Indikator provedbe	Broj i iznos odobrenih kredita (min. 40 subjekata male privrede) Poboljšani finansijski rezultati poslovanja za minimalno 30 subjekata male privrede
Izvori finansiranja	Budžet Kantona Sarajevo - Ministarstvo privrede Kantona Sarajevo i banke

#### 4.2.2 Program: „Podrška za osnivanje poslovnih subjekata kategoriji stanovništva od 36-55 godina starosti“

##### Pravo i uslovi za dodjelu poticajnih sredstava

Pravo na korištenje bespovratnih sredstava imaju nezaposlena punoljetna fizička lica koja pripadaju kategoriji od 36-55 godina starosti u momentu dostavljanja prijave na Javni poziv, a koja imaju kvalitetnu poslovnu ideju za samozapošljavanje i samostalni početak biznisa razrađenu kroz biznis plan urađen prema ekonomskim standardima. Djelatnosti za koje se mogu dodijeliti poticaji po ovom programu su osnovne djelatnosti koje su obuhvaćene podtačkom a) tačke 3.1 Opći uslov - obavljanje registrovane osnovne djelatnosti iz ovog Godišnjeg plana.

##### Namjena utroška poticajnih sredstava

Probuditi preduzetnički duh, motivisati kreativne pojedince s inovativnim i provodivim poslovnim idejama za pokretanje vlastitog biznisa i jačanje preduzetničke kompetencije kategorije stanovništva starosti od 36-55 godina u Kantonu Sarajevo. Programom se za cca. 35 nezaposlenih osoba pruža podrška i finansijski poticaj za pokretanje i vođenje vlastitog poslovnog subjekta u skladu sa prihvaćenim biznis planom koji je usklađen sa standardima te se na taj način utječe na smanjenje nezaposlenosti ove kategorije stanovništva.

##### Iznos poticajnih sredstava

Za provođenje aktivnosti po ovom programu predviđeno je 750.000,00 KM budžetskih sredstava. Predviđena je poticajna grant podrška po odabranom korisniku koja se u ovisnosti od ocjene prihvaćenog biznis plana, dodjeljuje u maksimalnom iznosu do 21.600,00 KM po jednom odabranom korisniku. Korisnik sredstava po ovom programu obavezan je, prije zaključenja ugovora o dodjeli poticajnih sredstava, dostaviti bjanko ovjerenu mjenicu sa ovjerenom mjeničnom izjavom, koja se



može realizirati do visine iznosa odobrenih ovih sredstava uvećanog za ugovorne kazne i zakonske zatezne kamate. Troškovi obezbjeđenja ove bjanko ovjerene mjenice padaju na teret korisnika sredstava.

### Uslovi i kriteriji za izbor korisnika poticajnih sredstava

Podnosioci prijave u I fazi moraju ispunjavati sljedeće osnovne (eliminatore) uslove kako bi njihove prijave bile uzete u daljnje razmatranje: da imaju prebivalište na području Kantona Sarajevo; da imaju kvalitetnu poslovnu ideju i želju da se bave vlastitim biznisom; da su punoljetni i da su u kategoriji od 36-55 godina starosti u momentu dostavljanja prijave na javni poziv; da do dana podnošenja prijave nisu koristili poticajna sredstva koja potiču iz drugih izvora, da su spremni osigurati vlastito sufinansiranje od minimalno 5% od ukupne vrijednosti odobrenih poticajnih grant sredstava iz ovog programa; da imaju izrađen biznis plan u skladu sa ekonomskim standardima koji, između ostalog uključuje: ukupna sredstva za realizaciju poslovne ideje, sopstvena sredstva i poticajna grant sredstva iz budžeta; da u biznis planu nisu predvidjeli korištenje poticajnih grant sredstava iz budžeta za neprihvatljive troškove i da su spremni registrovati vlastiti poslovni subjekt u slučaju da budu odabrani kao korisnici predmetnih poticajnih grant sredstava, te da do dana zaključivanja ugovora o dodjeli poticajnih grant sredstava nisu koristili poticajna sredstva koja potiču iz drugih izvora.

Svrha	Finansijska podrška kategoriji stanovništva od 36-55 godina starosti u Kantonu Sarajevo za pokretanje i vođenje vlastitih poslovnih subjekata
Korisnici	Nezaposlene osobe starosti 36-55 godina sa kvalitetnim biznis planovima
Nosilac aktivnosti	Ministarstvo privrede Kantona Sarajevo
Sunosoci aktivnosti	Institucije koje obezbijede dodatna sredstva ili tehničku podršku za provođenje ovog programa mogu biti sunosoci aktivnosti
Način provođenja	Javni poziv
Aktivnosti	<ul style="list-style-type: none"> <li>• Podrška kategoriji stanovništva starosti 36-55 godina u razvoju biznis ideja i registraciji poslovnog subjekta</li> <li>• Finansijski poticaji za poduzetnike u kategoriji stanovništva starosti 36-55 godina</li> <li>• U slučaju da Ministarstvo privrede Kantona Sarajevo ocijeni prihvatljivim da se iz drugih izvora uključe dodatna sredstva sa određenom namjenom u provođenju ovog programa, ta dodatna sredstva će biti korištena u svrhu provođenja obuke i mentoringa za jačanje poduzetničkih kompetencija, a sve s ciljem što kvalitetnije implementacije ovog programa</li> </ul>
Indikator realizacije	<ul style="list-style-type: none"> <li>• Broj osoba koje su pripremile i dostavile biznis plan (min. 70 osoba sa idejama za pokretanje biznisa)</li> <li>• Broj i iznos odobrenih finansijskih poticaja poduzetnicima prema odluci Vlade Kantona Sarajevo (minimalno 20 novih subjekata)</li> <li>• Broj novoregistrovanih subjekata male privrede u vlasništvu osoba koje pripadaju kategoriji stanovništva starosti 36-55 godina (minimalno 20 subjekata)</li> </ul>
Izvori finansiranja	Budžet Kantona Sarajevo - Ministarstvo privrede Kantona Sarajevo, te eventualno drugi izvori finansiranja za namjenu utvrđenu ovim programom



#### 4.2.3 Program: „Podrška mladima za osnivanje poslovnih subjekata“

##### Pravo i uslovi za dodjelu poticajnih sredstava

U skladu sa članom 12. tačka h) Zakona i člana 4., 16., 25. i 42. Zakona o mladima, pravo na korištenje bespovratnih sredstava imaju nezaposlena punoljetna fizička lica koja pripadaju kategoriji mladih ljudi u skladu sa člana 4. i. 42. Zakona o mladima (18-35 godina na dan dostavljanja prijave na Javni poziv), a koja imaju kvalitetnu poslovnu ideju za samozapošljavanje i samostalni početak biznisa razrađenu kroz biznis plan urađen prema ekonomskim standardima. Djelatnosti za koje se mogu dodijeliti poticaji po ovom programu su osnovne djelatnosti koje su obuhvaćene podtačkom a) tačke 3.1 Opći uslov - obavljanje registrovane osnovne djelatnosti iz ovog Godišnjeg plana.

##### Namjena utroška poticajnih sredstava

Probuditi poduzetnički duh među mladim ljudima, motivisati kreativne mlade pojedince s inovativnim i provodivim poslovnim idejama za pokretanje vlastitog biznisa i jačanje poduzetničke kompetencije mladih osoba u Kantonu Sarajevo. Programom se za cca. 35 mladih nezaposlenih osoba pruža podrška i finansijski poticaj za pokretanje i vođenje vlastitog poslovnog subjekta u skladu sa prihvaćenim biznis planom koji je usklađen sa standardima te se na taj način utječe na smanjenje nezaposlenosti ove kategorije stanovništva.

##### Iznos poticajnih sredstava

Za provođenje aktivnosti po ovom programu predviđeno je 750.000,00 KM budžetskih sredstava. Ovim programom predviđena je poticajna grant podrška po odabranom korisniku koja se u ovisnosti od ocjene prihvaćenog biznis plana, dodjeljuje u maksimalnom iznosu do 21.600,00 KM. Korisnik sredstava po ovom programu obavezan je, prije zaključenja ugovora o dodjeli poticajnih sredstava, dostaviti bjanko ovjerenu mjenicu sa ovjerenom mjeničnom izjavom, koja se može realizirati do visine iznosa odobrenih ovih sredstava uvećanog za ugovorne kazne i zakonske zatezne kamate. Troškovi obezbjeđenja ove bjanko ovjerene mjenice padaju na teret korisnika sredstava.

##### Uslovi i kriteriji za izbor korisnika poticajnih sredstava

Mlade osobe (podnosioci prijave) u I fazi moraju ispunjavati sljedeće osnovne (eliminatore) uslove kako bi njihove prijave bile uzete u daljnje razmatranje: da imaju prebivalište na području Kantona Sarajevo; da imaju kvalitetnu poslovnu ideju i želju da se bave vlastitim biznisom; da su punoljetni i da nisu navršili 36 godina života u momentu dostavljanja prijave na javni poziv; da do dana podnošenja prijave nisu koristili poticajna sredstva koja potiču iz drugih izvora, da su spremni osigurati vlastito sufinansiranje od minimalno 5% od ukupne vrijednosti odobrenih poticajnih grant sredstava iz ovog Programa; da imaju izrađen biznis plan u skladu sa ekonomskim standardima koji, između ostalog uključuje: ukupna sredstva za realizaciju poslovne ideje, sopstvena sredstva i poticajna grant sredstva iz budžeta; da u biznis planu nisu predvidjeli korištenje poticajnih grant sredstava iz budžeta za neprihvatljive troškove i da su spremni registrovati vlastiti poslovni subjekt u slučaju da budu odabrani kao korisnici predmetnih poticajnih grant sredstava, te da do dana zaključivanja ugovora o dodjeli poticajnih grant sredstava nisu koristili poticajna sredstva koja potiču iz drugih izvora.

Svrha	Finansijska podrška mladim osobama u Kantonu Sarajevo za pokretanje i vođenje vlastitih poslovnih subjekata
Korisnici	Nezaposlene mlade osobe sa kvalitetnim biznis planovima
Nosilac aktivnosti	Ministarstvo privrede Kantona Sarajevo



Sunosioci aktivnosti	Institucije koje obezbijede dodatna sredstva ili tehničku podršku za provođenje ovog programa mogu biti sunosioci aktivnosti
Način provođenja	Javni poziv
Aktivnosti	<ul style="list-style-type: none"> <li>• Podrška mladim osobama u razvoju biznis ideja i registraciji poslovnog subjekta</li> <li>• Finansijski poticaji za mlade poduzetnike</li> <li>• U slučaju da Ministarstvo privrede Kantona Sarajevo ocijeni prihvatljivim da se iz drugih izvora uključe dodatna sredstva sa određenom namjenom u provođenju ovog programa, ta dodatna sredstva će biti korištena u svrhu provođenja obuke i mentoringa za jačanje poduzetničkih kompetencija, a sve s ciljem što kvalitetnije implementacije ovog programa</li> </ul>
Indikator realizacije	<ul style="list-style-type: none"> <li>• Broj mladih osoba koje su pripremile i dostavile biznis plan (min. 70 mladih osoba sa idejama za pokretanje biznisa)</li> <li>• Broj i iznos odobrenih finansijskih poticaja mladim poduzetnicima prema odluci Vlade Kantona Sarajevo (min. 20 novih subjekata)</li> <li>• Broj novoregistrovanih subjekata male privrede u vlasništvu mladih do 35 godina (minimalno 20 subjekata)</li> </ul>
Izvori finansiranja	Budžet Kantona Sarajevo - Ministarstvo privrede Kantona Sarajevo, te eventualno drugi izvori finansiranja za namjenu utvrđenu ovim programom

#### 4.2.4 Program: Poticaj direktnih stranih ulaganja - Podrška za osnivanje pravnog lica čiji je osnivač strani ulagač

##### Pravo i uslovi za dodjelu poticajnih sredstava

U skladu sa članom 12. tačka h) Zakona i člana 4., 16., 25. i 42. Zakona o mladima, pravo na korištenje bespovratnih sredstava imaju nezaposlena punoljetna fizička lica koja pripadaju kategoriji mladih ljudi u skladu sa člana 4. i 42. Zakona o mladima (18-35 godina na dan dostavljanja prijave na Javni poziv), a koja imaju kvalitetnu poslovnu ideju za samozapošljavanje i samostalni početak biznisa razrađenu kroz biznis plan urađen prema ekonomskim standardima. Djelatnosti za koje se mogu dodijeliti poticaji po ovom programu su osnovne djelatnosti koje su obuhvaćene podtačkom a) tačke 3.1 Opći uslov - obavljanje registrovane osnovne djelatnosti iz ovog Godišnjeg plana.

##### Namjena utroška poticajnih sredstava

Probuditi poduzetnički duh među mladim ljudima, motivisati kreativne mlade pojedince s inovativnim i provodivim poslovnim idejama za pokretanje vlastitog biznisa i jačanje poduzetničke kompetencije mladih osoba u Kantonu Sarajevo. Programom se za cca. 35 mladih nezaposlenih osoba pruža podrška i finansijski poticaj za pokretanje i vođenje vlastitog poslovnog subjekta u skladu sa prihvaćenim biznis planom koji je usklađen sa standardima te se na taj način utječe na smanjenje nezaposlenosti ove kategorije stanovništva.

##### Iznos poticajnih sredstava

Za provođenje aktivnosti po ovom programu predviđeno je 750.000,00 KM budžetskih sredstava. Ovim programom predviđena je poticajna grant podrška po odabranom korisniku koja se u ovisnosti od ocjene prihvaćenog biznis plana, dodjeljuje u maksimalnom iznosu do 21.600,00 KM. Korisnik sredstava po ovom programu obavezan je, prije zaključenja ugovora o dodjeli poticajnih sredstava, dostaviti bjanko ovjerenu mjenicu sa ovjerenom mjeničnom izjavom, koja se može realizirati do



visine iznosa odobrenih ovih sredstava uvećanog za ugovorne kazne i zakonske zatezne kamate. Troškovi obezbjeđenja ove bjanko ovjerene mjenice padaju na teret korisnika sredstava.

### Uslovi i kriteriji za izbor korisnika poticajnih sredstava

Mlade osobe (podnosioci prijave) u I fazi moraju ispunjavati sljedeće osnovne (eliminatore) uslove kako bi njihove prijave bile uzete u daljnje razmatranje: da imaju prebivalište na području Kantona Sarajevo; da imaju kvalitetnu poslovnu ideju i želju da se bave vlastitim biznisom; da su punoljetni i da nisu navršili 36 godina života u momentu dostavljanja prijave na javni poziv; da do dana podnošenja prijave nisu koristili poticajna sredstva koja potiču iz drugih izvora, da su spremni osigurati vlastito sufinansiranje od minimalno 5% od ukupne vrijednosti odobrenih poticajnih grant sredstava iz ovog Programa; da imaju izrađen biznis plan u skladu sa ekonomskim standardima koji, između ostalog uključuje: ukupna sredstva za realizaciju poslovne ideje, sopstvena sredstva i poticajna grant sredstva iz budžeta; da u biznis planu nisu predvidjeli korištenje poticajnih grant sredstava iz budžeta za neprihvatljive troškove i da su spremni registrovati vlastiti poslovni subjekt u slučaju da budu odabrani kao korisnici predmetnih poticajnih grant sredstava, te da do dana zaključivanja ugovora o dodjeli poticajnih grant sredstava nisu koristili poticajna sredstva koja potiču iz drugih izvora.

Svrha	Finansijska podrška za strane ulagače koji imaju namjeru da osnuju pravno lica sa sjedištem na području Kantona Sarajevo
Korisnici	Strani ulagači koji osnivaju pravno lice na području Kantona Sarajevo sa svojim većinskim udjelom
Nosilac aktivnosti	Ministarstvo privrede Kantona Sarajevo
Sunosioci aktivnosti	Institucije koje obezbijede dodatna sredstva ili tehničku podršku za provođenje ovog programa mogu biti sunosioci aktivnosti
Način provođenja	Javni poziv
Aktivnosti	<ul style="list-style-type: none"> <li>• Promocija programa putem kanala komunikacije kojima raspolaže Ministarstvo privrede Kantona Sarajevo, uz saradnju sa Uredom za dijasporu Vlade Kantona Sarajevo, Kantonalnom agencijom za privlačenje investicija i privatizaciju, Agencijom za unapređenje stranih investicija u BiH (FIPA) i drugim relevantnim institucijama</li> <li>• Finansijski poticaji direktnih stranih ulaganja</li> </ul>
Indikator realizacije	<ul style="list-style-type: none"> <li>• Broj potencijalnih stranih ulagača koji su pripremili i dostavili kompletnu dokumentaciju u skladu sa javnim pozivom po ovom programu (min. 10 podnositelja prijave)</li> <li>• Broj i iznos odobrenih finansijskih podrški stranim ulagačima prema odluci Vlade Kantona Sarajevo (minimalno 5 stranih ulagača)</li> <li>• Broj zaključenih ugovora o dodjeli poticajnih sredstava sa pravnim licima koja imaju većinski udio stranih ulagača odabranih po ovom programu (minimalno 5 pravnih lica)</li> </ul>
Izvori finansiranja	Budžet Kantona Sarajevo - Ministarstvo privrede Kanton Sarajevo





#### 4.2.5 Program: „Poticaj za ulaganja poslovnih subjekata registrovanih u 2023. i 2024. godini“

##### Pravo i uslovi za dodjelu poticajnih sredstava

Pravo na dodjelu poticajnih sredstava po ovom programu imaju subjekti male privrede definisani u skladu sa Zakonom koji imaju sjedište na području Kantona Sarajevo i koji su registrovani u periodu od 01.01.2023. godine do dana objave javnog poziva po ovom programu. Pravo ostvaruju poslovni subjekti koji obavljaju osnovnu djelatnost obuhvaćenu podtačkom d) tačke 3.1 Opći uslov - obavljanje registrovane osnovne djelatnosti iz ovog Godišnjeg plana i imaju najmanje jednog zaposlenog na neodređeno vrijeme u punom radnom vremenu (vlasnik ili jedan zaposlenik).

Ovim programom se subvencionira/refundira dio prihvatljivih troškova nastalih i plaćenih u periodu od 01.01.2023. godine do roka za dostavljanje dokaza o nastanku i plaćanju prihvatljivih troškova po ovom programu. Prihvatljivi troškovi koji se mogu sufinansirati su troškovi za aktivnosti direktno i/ili indirektno neophodne za obavljanje osnovne djelatnosti, i to za: kupovinu mašina, alata i opreme, tehnike (osim mobilnog telefona) koja se koristi u vremenu dužem od jedne godine, a koja nije starija od deset godina i koja je nabavljena od registrovanih poslovnih subjekata u Bosni i Hercegovini uz obavezan račun i fiskalni račun (ukoliko postoji zakonska obaveza izdavanja) ili uz odgovarajuću kompletnu uvoznu dokumentaciju. Pravo ostvaruju i poslovni subjekti za digitalizaciju poslovanja subjekata male privrede (što uključuje troškove izrade integralnog informacionog sistema, web hosting, business e-mail hosting, korporativne informativne web stranice, izradu webshop platformi, razvoj mobilnih aplikacija, i sl.) koje su produkt registrovanih poslovnih subjekata sa sjedištem u BiH uz dostavljeni račun i obavezan fiskalni račun (ukoliko postoji zakonska obaveza izdavanja). Također, isto pravo na dodjelu poticajnih sredstava ostvaruju subjekti male privrede za jačanje konkurentnosti po osnovu uvođenja sistema međunarodnih standarda kvalitete, te u vezi s tim od strane registrovanih institucija odgovarajuće konsultantske usluge i edukacije za certificiranje sistema i certificiranje proizvoda (CE oznaka) i troškove sticanja prava ili obnavljanja upotrebe: ISO, HACCP, HALAL i drugih međunarodnih standarda. Prihvatljivi troškovi su i troškovi finansiranja stručnog usavršavanja zaposlenika, odnosno troškovi unapređenja standarda kvaliteta kroz osiguranje potrebnih certifikata o stručnom usavršavanju zaposlenika. Neprihvatljivi troškovi su: kupovina zemljišta, stana/kuće, vanjski građevinski radovi i nabavka, kupovina i najam svih vrsta motornih vozila osim kupovine teretnih vozila i radnih mašina registrovanih na odnosi subjekt male privrede, vanjski građevinski radovi, troškovi električne energije, vode i drugi komunalni troškovi, troškovi repromaterijala, opreme, te svi ostali troškovi koji nisu navedeni kao prihvatljivi. Računi na kojima nisu jasno vidljive sve specificirane stavke ili su iste prilikom sačinjavanja fotokopija prekrivene fiskalnim računom nisu adekvatan dokaz o prihvatljivom trošku. Također, dostavljene ponude, predračuni i troškovnici ne predstavljaju prihvatljiv dokaz o namjenskom trošenju sredstava. Nalog za plaćanje, kompenzacija i cesija ne prihvaćaju se kao dokaz o izvršenom plaćanju.

Napomena: Pravo ne mogu ostvariti privredni subjekti koji su za bilo koju navedenu namjenu u navedenom periodu ostvarili subvenciju, donaciju ili druge finansijske pomoći.

Dodjela poticajnih sredstava vrši se na osnovu dostavljenih dokaza o plaćanju prihvatljivih troškova po ovom programu, odnosno na osnovu dostavljenih faktura i bankovnog izvoda ili potvrde banke o realizovanom nalogu kao dokaza izvršene uplate. Ukoliko odabrani aplikant ove dokaze dostavi u prijavi na javni poziv, isplata sredstava vrši se u roku koji se određuje u ugovoru o dodjeli poticajnih sredstava sa ovim aplikantom (refundacija troškova nastalih i plaćenih do dostavljanja prijave na javni poziv).

S druge strane, ukoliko odabrani aplikant u prijavi na javni poziv dostavi predračun/profakturu/ponudu za prihvatljive troškove po ovom programu, dužan je u roku koji bude utvrđen u ugovoru o dodjeli poticajnih sredstava dostaviti dokaze o plaćanju prihvatljivih troškova po ovom programu, odnosno dostaviti fakturu kao i bankovni izvod ili potvrdu banke o realizovanom nalogu kao dokaz izvršene uplate (poticaj za nova ulaganja). Ovim dokazima aplikant je dužan dokazati da je realizovao prihvatljive aktivnosti u skladu sa javnim pozivom i podnesenom prijavom (računima/predračunima/profakturama/ponudama). Po zaprimanju prihvatljivog dokaza, u okviru



utvrđenog roka, Ministarstvo (u skladu sa zaključenim ugovorom o dodjeli sredstava, prijavom i dostavljenim/prihvaćenim dokazima o utrošku sredstava) svojom odlukom odobrava iznos sredstava za koje se obavezuje da će uplatiti na dostavljeni račun korisnika.

Aplikant prilikom prijave po ovom programu može izabrati samo jednu opciju pravdanja sredstava, odnosno može izabrati opciju refundacije troškova nastalih i plaćenih do dostavljanja prijave na javni poziv ili opciju poticaja za nova ulaganja. Odabir ove opcije aplikant navodi na koverti i prijavnim obrascu svoje aplikacije.

### **Namjena utroška odobrenih poticajnih sredstava**

Korisnik sredstava je obavezan da odobrena sredstva po ovom programu utroši za jačanje konkurentnosti i poticaj razvoja postojećeg poslovnog subjekta, ekonomsku stabilnost poslovnog subjekta, održavanje postojećeg broja radnih mjesta, novo upošljavanje, pokretanje nove i održavanje postojeće proizvodnje, prevazilaženje negativnih učinaka ekonomske krize, povećanje izvoza, dobijanje i obnavljanje odgovarajućih certifikata. Korisnik je obavezan dostaviti dokaze o utrošku sredstava za: modernizaciju i inovaciju poslovnih procesa, te za uvođenje sistema međunarodnih standarda kvalitete, kupovinu mašina, tehnike (osim mobilnog telefona), alata i opreme koja se koristi u vremenu dužem od jedne godine. Korisnik sredstava je dužan opravdati trošak dodijeljenih poticajnih sredstava sa odgovarajućom dokumentacijom datiranom poslije dana objave javnog poziva. Ministarstvo će za sva neopravdana sredstva pokrenuti proceduru povrata sredstava uz pripadajuću zakonsku kamatu. Korisnik poticajnih sredstava obavezan je zadržati broj uposlenih koji je imao na dan podnošenja prijave do trenutka podnošenja izvještaja o realizaciji utroška dodijeljenih poticajnih sredstava, a što dokazuje dostavljanjem uvjerenja Porezne uprave Federacije BiH o izmirenim obavezama po osnovu poreza i doprinosa zajedno sa listom osiguranih osoba za obveznika uz odgovarajući Izvještaj o utrošku poticajnih sredstava.

### **Iznos poticajnih sredstava**

Godišnjim planom za 2024. godinu za ovu namjenu predviđen je iznos od 400.000,00 KM. Poticajna sredstva za sve dozvoljene prihvatljive aktivnosti poslovnih subjekata po ovom programu, će biti uplaćena na dostavljene račune korisnika u iznosu do 50% priznatih prihvatljivih troškova za ove namjene. Minimalni iznos prihvatljivih troškova koje je podnosilac prijave obavezan dostaviti je 3.000,00 KM. Maksimalan iznos poticaja po jednom korisniku sredstava u skladu sa ovim programom može iznositi najviše 30.000,00 KM.

### **Uslovi i kriteriji za izbor korisnika poticajnih sredstava**

Podnosioci prijave su obavezni da dostave Obavještenje Službe za statistiku o razvrstavanju djelatnosti prema KD BiH 2010 na osnovu kojeg se utvrđuje da se navedena osnovna djelatnost poslovnog subjekta nalazi na popisu dozvoljenih djelatnosti obuhvaćenih podtačkom d) tačke 3.1 Opći uslov - obavljanje registrovane osnovne djelatnosti iz ovog Godišnjeg plana čime privredni subjekt dokazuje pravo na podnošenje zahtjeva za dodjelu poticajnih sredstava. Sredstva za subvencioniranje (refundiranje) prihvatljivih troškova po ovom programu uplaćuju se na račun korisnika po osnovu, između ostalih dokaza i dostavljenih sljedećih dokaza: računa uz obavezan fiskalni račun (ukoliko postoji zakonska obaveza izdavanja) kojima se dokazuje namjensko korištenje sredstava i dostavljenog dokaza o plaćanju računa i drugih dokaza.

Neprihvatljivi troškovi po ovom programu su svi troškovi koji nisu navedeni kao prihvatljivi. Računi na kojima nisu jasno vidljive sve specificirane stavke ili su iste prilikom sačinjavanja fotokopija prekrivene fiskalnim računom nisu prihvatljiv trošak. Također, dostavljene ponude, predračuni i troškovnici ne predstavljaju prihvatljiv dokaz o namjenskom trošenju sredstava. Nalog za plaćanje, kompenzacija i cesija ne prihvaćaju se kao dokaz o izvršenom plaćanju.

Napomena: Pravo ne mogu ostvariti privredni subjekti koji su za bilo koju navedenu namjenu ostvarili subvenciju, donaciju ili drugi vid finansijske pomoći.



Svrha	Jačanje konkurentnosti i poticaj razvoja postojećih subjekata male privrede registrovanih u 2023. i 2024. godini putem subvencioniranja prihvatljivih dokumentiranih troškova koji omogućavaju ekonomsku stabilnost poslovnih subjekata, održavanje postojećih radnih mjesta i novo upošljavanje, pokretanje nove i održavanje postojeće proizvodnje, prevazilaženje negativnih učinaka ekonomske krize i povećanje izvoza i troškova stjecanja prava ili obnavljanja upotrebe međunarodno priznatih standarda
Korisnici	Subjekti male privrede
Nosilac aktivnosti	Ministarstvo privrede Kantona Sarajevo
Aktivnost	Finansijski poticaji poduzetnicima koji vrše nabavku osnovnih sredstava, mašina i opreme ili unapređuju postojeće tehnologije i tehnološke postupke Finansijski poticaji poduzetnicima za međunarodne standarde kvalitete
Indikator realizacije	Broj subjekata koji su podnijeli prijavu (min. 20 subjekata) Realizovani poticaji u najmanje 10 subjekata Novo zapošljavanje (min. 5 osoba), rast izvoza
Izvori finansiranja	Budžet Kantona Sarajevo – Ministarstvo privrede Kantona Sarajevo

#### 4.2.6 Program: „Finansijski poticaj sa inkubacijom za novoosnovane poslovne subjekte“

##### Pravo i uslovi za dodjelu poticajnih sredstava

Pravo na korištenje bespovratnih finansijskih sredstava po ovom programu i korištenje Inkubatora Centra za razvoj poduzetništva Javne ustanove „Centar za napredne tehnologije u Sarajevu“ (u daljnjem tekstu: Inkubator) ima subjekt male privrede definisan u skladu sa Zakonom koji ima sjedište na području Kantona Sarajevo i koji je registrovan u periodu od 01.01.2024. godine do roka za dostavljanje dokaza o registraciji novoosnovanog poslovnog subjekta (poslovni subjekt koji se registruje nakon što njegov osnivač dostavi prijavu na javni poziv po ovom programu ostvaruje pravo na bespovratna sredstva samo ako je u 100% vlasništvu fizičkog lica koje bude odabrano kao korisnik sredstava po ovom programu). Pravo ostvaruje poslovni subjekt koji obavlja osnovnu djelatnost obuhvaćenu podtačkom b) tačke 3.1 Opći uslov - obavljanje registrovane osnovne djelatnosti iz ovog Godišnjeg plana i ima najmanje jednog zaposlenog (vlasnik ili jedan zaposlenik). Ovim programom pružit će se finansijska podrška i podrška boravka u Inkubatoru za kvalitetne biznis ideje koje su kroz proces cjelovitog biznis planiranja razvijene u perspektivan biznis model predložen u formi biznis plana. U skladu sa članom 12. tačka h) Zakona i člana 4., 16., 25. i 42. Zakona o mladima, pravo na korištenje bespovratnih sredstava imaju subjekti male privrede koji su u 100% vlasništvu punoljetnih fizičkih lica koja pripadaju kategoriji mladih ljudi u skladu sa člana 4. i 42. Zakona o mladima (da na dan dostavljanja prijave na javni poziv nemaju napunjenih 36 godina života). Također poslovni subjekt koji zaključi ugovor o dodjeli poticajnih sredstava sa Ministarstvom privrede Kantona Sarajevo mora dostaviti dokaz da je njegov osnivač zaposlen u ovom poslovnom subjektu na puno radno vrijeme.

##### Namjena utroška poticajnih sredstava

Ovim programom nastoji se probuditi poduzetnički duh među mladim ljudima, motivisati kreativne mlade pojedince s inovativnim i provodivim poslovnim idejama za pokretanje vlastitog biznisa i jačati poduzetničke kompetencije mladih osoba u Kantonu Sarajevo. Programom se za cca. 25 novoosnovanih subjekata male privrede pruža finansijski poticaj za poslovanje u skladu sa prihvaćenim biznis planom. Također, ovim programom pruža se i podrška novoosnovanim subjektima



male privrede na području Kantona Sarajevo u vidu pružanja mogućnosti boravka u Inkubatoru. Raspoloživost Inkubatora treba da poslovnim subjektima - krajnjim korisnicima pruži mogućnost besplatnog korištenja određenog dijela kancelarijskog prostora, kao i opreme u ovom kancelarijskom prostoru na period od jedne godine. Također, prilikom boravka u Inkubatoru, odabrani poslovni subjekti - krajnji korisnici imat će i benefit besplatnog korištenja električne energije, grijanja, interneta i ostalih dijelova koji čine infrastrukturu Inkubatora. Vrijednost koja se, uslugom obezbjeđenja izgradnje i raspoloživosti infrastrukture Inkubatora isporučuje krajnjim korisnicima ogleda se u smanjenju troškova u njihovoj prvoj godini poslovanja, benefitima korištenja privlačnog, savremenog i reprezentativnog poslovnog prostora opremljenog u skladu sa savremenim standardima, kao i benefitom zajedničkog druženja sa kolegama poduzetnicima u prostorijama Inkubatora, koje treba da potakne rezidente Inkubatora na međusobnu saradnju i umrežavanje.

### **Iznos poticajnih sredstava**

Za provođenje aktivnosti po programu – „Finansijski poticaj sa inkubacijom za novoosnovane poslovne subjekte“ predviđeno je 750.000,00 KM budžetskih sredstava. Ovim programom predviđena je poticajna grant podrška po odabranom korisniku koja se u ovisnosti od ocjene prihvaćenog biznis plana, dodjeljuje u maksimalnom iznosu do 30.000,00 KM po odabranom korisniku. Korisnik sredstava po ovom programu obavezan je, prije zaključenja ugovora o dodjeli poticajnih sredstava, dostaviti bjanko ovjerenu mjenicu sa ovjerenom mjeničnom izjavom, koja se može realizirati do visine iznosa odobrenih ovih sredstava uvećanog za ugovorne kazne i zakonske zatezne kamate. Troškovi obezbjeđenja ove bjanko ovjerene mjenice padaju na teret korisnika sredstava.

### **Uslovi i kriteriji za izbor korisnika poticajnih sredstava**

Fizičko lice koje podnosi prijavu po ovom programu u I fazi mora ispunjavati sljedeće osnovne (eliminatorene) uslove kako bi njegova prijava bila uzeta u daljnje razmatranje: da ima prebivalište na području Kantona Sarajevo; da ima kvalitetnu poslovnu ideju i želju da se bavi vlastitim biznisom; da je punoljetno i da nije navršilo 36 godina života u momentu dostavljanja prijave na javni poziv; da do dana podnošenja prijave nije koristilo poticajna sredstva koja potiču iz drugih izvora; da je spremno osigurati vlastito sufinansiranje od minimalno 5% od ukupne vrijednosti odobrenih poticajnih grant sredstava iz ovog Programa; da ima izrađen biznis plan u skladu sa ekonomskim standardima koji, između ostalog uključuje: ukupna sredstva za realizaciju poslovne ideje, sopstvena sredstva i poticajna grant sredstva iz budžeta; da u biznis planu nije predvidjelo korištenje poticajnih grant sredstava iz budžeta za neprihvatljive troškove; da je spremno registrovati vlastiti poslovni subjekt sa sjedištem u Inkubatoru u slučaju da bude odabrano kao korisnik predmetnih poticajnih grant sredstava, te da do dana zaključivanja ugovora o dodjeli poticajnih grant sredstava nije koristilo poticajna sredstva koja potiču iz drugih izvora.

S druge strane, subjekt male privrede koji podnosi prijavu po ovom programu u I fazi mora ispunjavati sljedeće osnovne (eliminatorene) uslove): da je registrovan za obavljanje osnovne djelatnosti obuhvaćene podtačkom b) tačke 3.1 Opći uslov - obavljanje registrovane osnovne djelatnosti iz ovog Godišnjeg plana; da je registrovan u periodu od 01.01.2024. godine do dana dostavljanja prijave na javni poziv; da ima najmanje jednog zaposlenika; da ima sjedište na području Kantona Sarajevo; da ima kvalitetnu poslovnu ideju; da je u 100% vlasništvu fizičkog lica koje nije navršilo 36 godina života u momentu dostavljanja prijave na javni poziv i koje ima prebivalište na području Kantona Sarajevo; da do dana podnošenja prijave nije koristio poticajna sredstva koja potiču iz drugih izvora; da je spreman osigurati vlastito sufinansiranje od minimalno 5% od ukupne vrijednosti odobrenih poticajnih sredstava iz ovog Programa; da ima izrađen biznis plan u skladu sa ekonomskim standardima koji, između ostalog uključuje: ukupna sredstva za realizaciju poslovne ideje, sopstvena sredstva i poticajna grant sredstva iz budžeta; da u biznis planu nije predvidio korištenje poticajnih grant sredstava iz budžeta za neprihvatljive troškove i da je spreman registrovati sjedište u Inkubatoru u slučaju da bude odabran kao korisnik predmetnih poticajnih grant sredstava, te da do dana



zaključivanja ugovora o dodjeli poticajnih grant sredstava nije koristio poticajna sredstva koja potiču iz drugih izvora.

Ostali uslovi i kriteriji bit će definisani javnim pozivom koji će se objaviti po ovom programu.

Svrha	Finansijska podrška i podrška inkubacije za subjekte male privrede koje su u 2024. godini registrovale mlade osobe
Korisnici	Subjeki male privrede koje su u 2024. godini registrovale mlade osobe
Nosilac aktivnosti	Ministarstvo privrede Kantona Sarajevo
Sunosioci aktivnosti	Javna ustanova „Centar za napredne tehnologije u Sarajevu“
Način provođenja	Javni poziv
Aktivnosti	<ul style="list-style-type: none"><li>• Finansijski poticaji za novoosnovane poslovne subjekte u 100% vlasništvu mladih osoba</li><li>• Podrška inkubacije za novoosnovane poslovne subjekte u 100% vlasništvu mladih osoba</li></ul>
Indikator realizacije	<ul style="list-style-type: none"><li>• Broj mladih osoba i novoosnovanih subjekata male privrede koji su pripremili i dostavili biznis plan (min. 40 podnosioca prijave)</li><li>• Broj i iznos odobrenih finansijskih poticaja prema odluci Vlade Kantona Sarajevo (min. 20 subjekata)</li><li>• Broj odobrenih poticaja u vidu inkubacije prema odluci Vlade Kantona Sarajevo (minimalno 20 subjekata)</li></ul>
Izvori finansiranja	Budžet Kantona Sarajevo - Ministarstvo privrede Kantona Sarajevo Budžet Kantona Sarajevo - Javna ustanova „Centar za napredne tehnologije u Sarajevu“

#### **4.2.7 Program: Poticaj za unapređenje poduzetništva u IT industriji, industriji globalnih poslovnih servisa, metalnoj industriji i drvnoprerađivačkoj industriji u svrhu novog zapošljavanja**

##### **Pravo i uslovi za dodjelu poticajnih sredstava**

Pravo na dodjelu poticajnih grant sredstava za subvencioniranje troškova po ovom Programu može ostvariti subjekt male privrede definisan Zakonom koji ima sjedište na teritoriji Kantona Sarajevo i obavlja osnovnu djelatnost obuhvaćenu podtačkom c) tačke 3.1 Opći uslov - obavljanje registrovane osnovne djelatnosti iz ovog Godišnjeg plana i ima najmanje petero zaposlenih. Korisnik sredstava/podnosilac prijave je obavezan obezbijediti vlastito učešće pri realizaciji projekta u visini od najmanje 10% od vrijednosti traženih sredstava prema projektu, te nakon dana objave javnog poziva po ovom programu u 2024. godini realizovati interni program/projekt obuke i osposobljavanja. Programom/projektom u kompanijama u IT industriji, industriji globalnih poslovnih servisa, metalnoj industriji i drvnoprerađivačkoj industriji se omogućava poboljšanje kvaliteta znanja i upotrebe savremene tehnologije sa krajnjim ciljem da se u kompanijama koje provedu program obuke izvrši zapošljavanje određenog broja mladih ili drugih nezaposlenih osoba koje su u skladu sa zahtjevima kompanija iz prednje navedenih industrija ispunili preduvjete za pohađanje i uspješno završili predmetne obuke. Pravo ostvaruju subjekti koji realizacijom dostavljenog programa/projekta



imaju obavezu zaposliti nove radnike na minimalno godinu dana, a pojedinačno radno mjesto se vrednuje iznosom poticaja do 10.000,00 KM po jednom zaposlenom radniku.

### **Namjena utroška poticajnih sredstava**

Sredstva su namijenjena za subvencioniranje troškova unapređenja, razvijanja i jačanja poduzetništva u IT industriji, industriji globalnih poslovnih servisa, metalskoj industriji i drvnoprerađivačkoj industriji. Ovaj pojedinačni program namijenjen je kompanijama koje u skladu sa svojim internim programima obuke za grupe polaznika (3 do 20 osoba) i u skladu sa prihvaćenim projektom izvrše provođenje programa interne obuke, prilagođavanje radu u kompaniji i osposobljavanju iz oblasti rada odnosno kompanije. Namjena odobrenih sredstava je da odabrana kompanija nakon provedenog programa interne obuke i osposobljavanja kreira platformu za zapošljavanje određenog broja polaznika obuke u skladu sa dostavljenim projektom i iznosom odobrenih poticajnih sredstava.

### **Iznos poticajnih sredstava**

Godišnjim planom za 2024. godinu za ovu namjenu predviđen je ukupan iznos od 500.000,00 KM, pri čemu maksimalni iznos subvencioniranih sredstava za provođenje obuke u jednoj kompaniji ne može biti veći od 100.000,00 KM uz obavezno zapošljavanje 10 radnika, a radno mjesto se vrednuje sa iznosom poticaja do 10.000,00 KM po zaposlenom radniku. Korisnik sredstava po ovom programu obavezan je, u skladu sa zaključenim ugovorom o dodjeli poticajnih sredstava, dostaviti bankovnu garanciju u visini iznosa ugovorenih odobrenih poticajnih sredstava uvećanog za ugovorne kazne i zakonske zatezne kamate. Troškovi obezbjeđenja ove bankovne garancije padaju na teret korisnika sredstava, odnosno trošak obezbjeđenja garancije je prihvatljivi trošak korisnika sredstava u dijelu njegovog sufinansiranja dostavljenog projekta po ovom programu. Korisnik poticajnih grant sredstava koji po ovom osnovu ostvari poticaj/subvenciju dužan je uz redovni Izvještaj dostaviti i potvrdu Porezne uprave o novozaposlenom/im radnicima.

### **Uslovi i kriteriji za izbor korisnika poticajnih sredstava**

Podnosilac ponude mora biti registrovan za obavljanje djelatnosti obuhvaćene podtačkom c) tačke 3.1 Opći uslov - obavljanje registrovane osnovne djelatnosti iz ovog Godišnjeg plana. Korisnik sredstava/podnosilac prijave je obavezan obezbijediti vlastito učešće u visini od najmanje 10% od vrijednosti traženih sredstava prema projektu, dostaviti potvrdu Porezne uprave - Lista osiguranih lica za obveznika (broj, datum zaposlenja i imena zaposlenih), vlastitu izjavu o kvalifikacionoj strukturi zaposlenih kao i projekat - interni program obuke prilagođen kompaniji/podnosiocu prijave (projekat pored ostalog mora uključivati: planirani broj polaznika obuke, planirani broj zaposlenih nakon obuke, vrijeme trajanja obuke, ukupan budžet projekta, traženi iznos poticajnih sredstava od Ministarstva, iznos i namjenu vlastitih ulaganja i sl.). Projekat mora biti prilagođen krajnjem cilju, odnosno zapošljavanju polaznika koji uspješno završe obuku. Obuke moraju biti organizovane iz oblasti industrija obuhvaćenih ovim programom, što podrazumijeva obuku s ciljem da mladi ljudi steknu vještine rada, koje će kasnije koristiti u radu u odabranoj kompaniji ili sa lokalnim/globalnim tržištem ili za dalji razvoj vlastitog biznisa. Ostali uslovi i kriteriji se definišu u Javnom pozivu.

Svrha	Jačanje konkurentnosti poduzetnika u IT industriji, industriji globalnih poslovnih servisa, metalskoj industriji i drvnoprerađivačkoj industriji kroz subvencioniranje dijela troškova kompanija koje nakon provedenog programa kreiraju platforme za zapošljavanje polaznika obuke u istoj ili drugim kompanijama. Programom se daje podrška poboljšanju kvaliteta znanja, prilagođavanja radu u ovim subjektima sa krajnjim ciljem da se nakon provedenog internog programa edukacije i obuke izvrši zapošljavanje osoba koje su uspješno završile obuku baziranu na znanju i savremenim tehnologijama i koje su izabrane od strane odnosnog subjekta
-------	---



Korisnici	Privredni subjekti u IT industriji, industriji globalnih poslovnih servisa, metalskoj industriji i drvnoprerađivačkoj industriji, sa posebnim fokusom na žene i mlade
Nosilac aktivnosti	Ministarstvo privrede Kantona Sarajevo
Sunosocioci aktivnosti	Subjekti male privrede u IT industriji, industriji globalnih poslovnih servisa, metalskoj industriji i drvnoprerađivačkoj industriji
Aktivnost	Obuka, prekvalifikacija i dokvalifikacija (sa posebnim fokusom na mlade i žene) za osobe zainteresirane za razvoj karijere u IT industriji, industriji globalnih poslovnih servisa, metalskoj industriji i drvnoprerađivačkoj industriji Razvoj novih programa obuke usklađenih sa privrednim kretanjima i zahtjevima poslovnog sektora
Indikator realizacije	Broj subjekata koji su podnijeli prijavu (minimalno 12 prijavi i 10 odabranih korisnika) Realizovani programi, broj polaznika obuka (minimalno 7 obuka i 70 polaznika obuke) Novo zapošljavanje (minimalno 40 novih radnika)
Izvori finansiranja	Budžet Kantona Sarajevo - Ministarstvo privrede Kantona Sarajevo, te eventualno drugi izvori finansiranja za namjenu utvrđenu ovim programom

#### 4.2.8 Program: „Refundiranje troškova tehnološke modernizacije, uvođenja/obnavljanja standarda kvaliteta i digitalizacije poslovanja“

##### Pravo i uslovi za dodjelu poticajnih sredstava

Pravo na dodjelu poticajnih grant sredstava za subvencioniranje (refundiranje) dijela troškova nastalih i plaćenih u 2022. i 2023. godini, u skladu sa članom 12. tačka j) Zakona ostvaruju subjekti male privrede definisani u skladu sa ovim Zakonom koji: imaju sjedište na području Kantona Sarajevo, obavljaju osnovnu djelatnost obuhvaćenu podtačkom d) tačke 3.1 Opći uslov - obavljanje registrovane osnovne djelatnosti iz ovog Godišnjeg plana, imaju najmanje jednog zaposlenog na neodređeno vrijeme u punom radnom vremenu (vlasnik ili jedan zaposlenik). Pravo na dodjelu poticajnih grant sredstava za subvencioniranje (refundiranje) dijela troškova nastalih i plaćenih u 2022. i 2023. godini po ovom programu ostvaruju subjekti male privrede sa sjedištem na području Kantona Sarajevo, koji su sredstva koristili za aktivnosti direktno i/ili indirektno neophodne za obavljanje osnovne djelatnosti, i to za: kupovinu mašina, alata i opreme, tehnike (osim mobilnog telefona) koja se koristi u vremenu dužem od jedne godine, a koja nije starija od deset godina i koja je nabavljena od registrovanih poslovnih subjekata u Bosni i Hercegovini uz obavezan račun i fiskalni račun (ukoliko postoji zakonska obaveza izdavanja) ili uz odgovarajuću kompletnu uvoznu dokumentaciju. Pravo ostvaruju i poslovni subjekti za digitalizaciju poslovanja subjekata male privrede (što uključuje troškove izrade integralnog informacionog sistema, web hosting, business e-mail hosting, korporativne informativne web stranice, izradu webshop platformi, razvoj mobilnih aplikacija, i sl.) koje su produkt registrovanih poslovnih subjekata sa sjedištem u BiH uz dostavljeni račun i obavezan fiskalni račun (ukoliko postoji zakonska obaveza izdavanja). Također, isto pravo na dodjelu poticajnih sredstava ostvaruju subjekti male privrede za jačanje konkurentnosti po osnovu uvođenja sistema međunarodnih standarda kvalitete, te u vezi s tim od strane registrovanih institucija odgovarajuće konsultantske usluge i edukacije za certificiranje sistema i certificiranje proizvoda (CE oznaka) i troškove sticanja prava ili obnavljanja upotrebe: ISO, HACCP, HALAL i drugih međunarodnih standarda. Prihvatljivi troškovi su i troškovi finansiranja stručnog usavršavanja



zaposlenika, odnosno troškovi unapređenja standarda kvaliteta kroz osiguranje potrebnih certifikata o stručnom usavršavanju zaposlenika. Neprihvatljivi troškovi su: kupovina zemljišta, stana/kuće, vanjski građevinski radovi i nabavka, kupovina i najam svih vrsta motornih vozila, osim nabavke teretnih vozila i radnih mašina registrovanih na odnosi subjekt male privrede, vanjski građevinski radovi, troškovi električne energije, vode i drugi komunalni troškovi, troškovi repromaterijala, opreme, te svi ostali troškovi koji nisu navedeni kao prihvatljivi. Računi na kojima nisu jasno vidljive sve specificirane stavke ili su iste prilikom sačinjavanja fotokopija prekrivene fiskalnim računom nisu prihvatljiv trošak. Također, dostavljene ponude, predračuni i troškovnici ne predstavljaju prihvatljiv dokaz o namjenskom trošenju sredstava. Nalog za plaćanje, kompenzacija i cesija ne prihvaćaju se kao dokaz o izvršenom plaćanju. Napomena: Pravo ne mogu ostvariti privredni subjekti koji su za bilo koju navedenu namjenu u navedenom periodu ostvarili subvenciju, donaciju ili druge finansijske pomoći.

### **Namjena utroška odobrenih poticajnih sredstava**

Korisnik sredstava je obavezan da odobrena sredstva po ovom programu utroši za jačanje konkurentnosti i poticaj razvoja postojećih subjekata, ekonomsku stabilnost poslovnog subjekta, održavanje postojećih radnih mjesta, novo upošljavanje, pokretanje nove i održavanje postojeće proizvodnje, unutrašnje uređenje poslovnog prostora koji je fizički odvojen od stambenog dijela i ukoliko je izvođač odnosnih radova uređenja poslovni subjekt registriran za obavljanje tih radova, povećanje izvoza, dobijanje i obnavljanje odgovarajućih certifikata. Korisnik sredstava je obavezan dostaviti dokaze o utrošku sredstava za: tehnološku modernizaciju i inovaciju poslovnih procesa, te za uvođenje sistema međunarodnih standarda kvalitete, kupovinu mašina, tehnike (osim mobilnog telefona), alata i opreme koja se koristi duže od jedne godine. Korisnik sredstava je dužan opravdati utrošak dodijeljenih poticajnih sredstava sa odgovarajućom dokumentacijom datiranom poslije dana objave javnog poziva. Ministarstvo privrede Kantona Sarajevo će za sva neopravdana sredstva pokrenuti proceduru povrata sredstava uz pripadajuću zakonsku zateznu kamatu. Korisnik poticajnih sredstava obavezan je zadržati broj uposlenih koji je imao na dan podnošenja prijave do trenutka podnošenja izvještaja o realizaciji utroška dodijeljenih poticajnih sredstava, što dokazuje dostavljanjem uvjerenja Porezne uprave FBiH o izmirenim obavezama po osnovu poreza i doprinosa zajedno sa listom osiguranih osoba za obveznika uz odgovarajući Izvještaj o utrošku dodijeljenih poticajnih sredstava.

### **Iznos poticajnih sredstava**

Godišnjim planom za 2024. godinu za ovu namjenu predviđen je iznos od 1.000.000,00 KM. Sredstva će se dodjeljivati u iznosu do 50% priznatih prihvatljivih troškova za ove namjene, a u maksimalnom iznosu po jednom korisniku do 50.000,00 KM. Sredstva za subvencioniranje (refundiranje) prihvatljivih troškova po ovom programu uplaćuju se na račun korisnika po osnovu, između ostalih dokaza i dostavljenih slijedećih dokaza: računa uz obavezan fiskalni račun (ukoliko postoji zakonska obaveza izdavanja), kojima se dokazuje namjensko korištenje sredstava i dostavljenog dokaza o plaćanju računa, tj. bankovnog izvoda, odnosno potvrde banke o realizovanom nalogu kao dokaza izvršene uplate, kao i drugih dokaza.

### **Uslovi i kriteriji za izbor korisnika poticajnih sredstava**

Podnosioci prijave su obavezni da dostave Obavještenje Službe za statistiku o razvrstavanju djelatnosti prema KD BiH 2010 na osnovu kojeg se utvrđuje da je navedena osnovna djelatnost obuhvaćena podtačkom d) tačke 3.1 Opći uslov - obavljanje registrovane osnovne djelatnosti iz ovog Godišnjeg plana, čime privredni subjekt dokazuje pravo podnošenja zahtjeva za dodjelu poticajnih grant sredstava. Uslovi i kriteriji za izbor korisnika poticajnih grant sredstava za ove namjene su: dostavljanje računa uz obavezan fiskalni račun (ukoliko postoji zakonska obaveza izdavanja), i drugih dokaza o vrijednosti kupljenih mašina i opreme koja nije starija od deset godina i koja je nabavljena od registrovanih poslovnih subjekata uz obavezan fiskalni račun (ukoliko postoji zakonska obaveza





izdavanja), te zaključeni ugovori subjekata male privrede iz 2022. i 2023. godine o uvođenju sistema međunarodnih standarda kvalitete i u vezi sa tim od strane registrovanih institucija odgovarajuće konsultantske usluge ili edukacije, za digitalizaciju poslovanja, te dostavljanje dokaza o plaćanju navedenih troškova. Podnosioci prijave su obavezni da podnesu adekvatne dokaze: račune uz obavezan fiskalni račun (ukoliko postoji zakonska obaveza izdavanja) i izvode iz banke ili potvrde banke o realizovanom nalogu za plaćene troškove za uvođenje i certificiranje kvaliteta, i druge standarde EU, dokaz o posjedovanju sertifikata izdatog od ovlaštene certifikacijske organizacije u 2022. i 2023. godini; imaju dokaz o obnovljenom standardu u 2022. i 2023. godini; imaju osiguran CE znak u 2022. i 2023. godini ili posjeduju Tehnički fajl - dosije (naslovna strana) sa pripadajućim procedurama, uputstvima, zapisima za osiguranje kvalitete proizvoda i dokazima o izvršenim uslugama. Ostali uslovi i kriteriji se definišu u javnom pozivu.

Svrha	Subvencioniranje - refundiranje prihvatljivih dokumentiranih troškova koji omogućavaju ekonomsku stabilnost poslovnih subjekata, pokretanje nove i održavanje postojeće proizvodnje, održavanje postojećih radnih mjesta i novo upošljavanje, očuvanje postojećeg broja subjekata male privrede, prevazilaženje negativnih učinaka ekonomske krize i povećanje izvoza, obnavljanje prethodno dobijenih sertifikata i obezbjeđenje redovnog poslovanja
Korisnici	Subjekti male privrede
Nosilac aktivnosti	Ministarstvo privrede Kantona Sarajevo
Aktivnost	Finansijski poticaji preduzetnicima koji razvijaju i uvode nove tehnologije, mašine i opremu ili unapređuju postojeće tehnologije i tehnološke postupke, izrađuju proizvode više dodane vrijednosti Finansijski poticaji poduzetnicima za uvođenje i obnavljanje međunarodnih standarda kvalitete
Indikator realizacije	Broj subjekata, iznos odobrenih poticaja i namjena sredstava (min. 35 subjekata) Realizovani poticaji u najmanje 30 subjekata Novo zapošljavanje (min. 5 osoba), rast izvoza
Izvori finansiranja	Budžet Kantona Sarajevo - Ministarstvo privrede Kantona Sarajevo

#### 4.2.9 Program: „Poticaj za nova ulaganja u tehnološku modernizaciju i primjenu standarda kvalitete“

##### Pravo i uslovi za dodjelu poticajnih sredstava

Pravo na dodjelu poticajnih sredstava za subvencioniranje/refundiranje dijela prihvatljivih troškova, a koji troškovi su zasnovani/nastali i plaćeni nakon dana objave javnog poziva po ovom programu ostvaruju subjekti male privrede definisani u skladu sa Zakonom koji imaju sjedište na području Kantona Sarajevo i koji su registrovani najkasnije do 31.12.2022. godine. Pravo ostvaruju poslovni subjekti koji obavljaju osnovne djelatnosti obuhvaćene podtačkom d) tačke 3.1 Opći uslov - obavljanje registrovane osnovne djelatnosti iz ovog Godišnjeg plana i imaju najmanje jednog zaposlenog na neodređeno vrijeme u punom radnom vremenu (vlasnik ili jedan zaposlenik). Ovaj program namijenjen je za jačanje konkurentnosti subjekata male privrede koji u skladu sa registrovanom osnovnom djelatnosti od dana objave odnosnog javnog poziva u 2024. godini do isteka roka trajanja javnog poziva, a u skladu sa odnosnim javnim pozivom dostave odgovarajuću dokumentaciju (račune, predračune/profakture/ponude) za prihvatljive troškove nabavke osnovnih



sredstava, opreme, kupovinu mašina, alata i tehnike (osim mobilnog telefona) koja nije starija od deset godina i koja je nabavljena od registrovanih poslovnih subjekata. Također, ovim programom obuhvaćena je modernizacija i inovacija poslovnih procesa, uvođenje sistema međunarodnih standarda i refundiranje troškova certificiranja sistema i proizvoda (CE oznaka) i troškova sticanja prava ili obnavljanja upotrebe standarda: ISO, HACCP, HALAL i drugih standarda kvalitete.

### **Namjena utroška odobrenih poticajnih sredstava**

Korisnik sredstava je obavezan da odobrena sredstva po ovom programu utroši za jačanje konkurentnosti i poticaj razvoja postojećeg subjekta, ekonomsku stabilnost poslovnog subjekta, održavanje postojećih radnih mjesta, novo upošljavanje, pokretanje nove i održavanje postojeće proizvodnje, prevazilaženje negativnih učinaka ekonomske krize, povećanje izvoza, dobijanje i obnavljanje odgovarajućih certifikata. Korisnik je obavezan dostaviti dokaze o utrošku sredstava za: modernizaciju i inovaciju poslovnih procesa, te za uvođenje sistema međunarodnih standarda kvalitete, kupovinu mašina, tehnike (mobilnog telefona), alata i opreme koja se koristi u vremenu dužem od jedne godine. Korisnik sredstava je dužan opravdati utrošak dodijeljenih poticajnih sredstava sa odgovarajućom dokumentacijom datiranom poslije dana objave javnog poziva do isteka roka trajanja istog javnog poziva, i to dostavljanjem računa uz obavezan fiskalni račun (ukoliko postoji zakonska obaveza izdavanja) i izvode iz banke ili potvrde banke o realizovanom nalogu za plaćene troškove. Korisnik poticajnih sredstava obavezan je zadržati broj uposlenih koji je imao na dan podnošenja prijave do trenutka podnošenja izvještaja o realizaciji utroška dodijeljenih poticajnih sredstava, a što dokazuje dostavljanjem uvjerenja Porezne uprave Federacije BiH o izmirenim obavezama po osnovu poreza i doprinosa zajedno sa listom osiguranih osoba za obveznika uz odgovarajući Izvještaj o utrošku dodijeljenih poticajnih sredstava.

### **Iznos poticajnih sredstava**

Godišnjim planom za 2024. godinu za ovu namjenu predviđen je iznos od 500.000,00 KM. Poticajna sredstva za sve dozvoljene prihvatljive aktivnosti poslovnih subjekata po ovom programu, koje su nastale nakon dana objave javnog poziva do isteka roka trajanja javnog poziva, će biti uplaćena na dostavljene račune korisnika u iznosu do 50% priznatih prihvatljivih troškova za ove namjene. Minimalni iznos prihvatljivih troškova koje je podnosilac prijave obavezan dostaviti je 3.000,00 KM. Maksimalan iznos poticaja po jednom korisniku sredstava u skladu sa ovim programom može iznositi najviše 50.000,00 KM. Ministarstvo privrede (u skladu zaključenim ugovorom o dodjeli sredstava, prijavom i dostavljenim/prihvaćenim dokazima o utrošku sredstava) svojom odlukom odobrava iznos sredstava za koje se obavezuje da se taj iznos poticajnih sredstava uplati na dostavljeni račun korisnika.

### **Uslovi i kriteriji za izbor korisnika poticajnih sredstava**

Podnosioci prijave su obavezni da dostave Obavještenje Službe za statistiku o razvrstavanju djelatnosti prema KD BiH 2010 na osnovu kojeg se utvrđuje da se navedena osnovna djelatnost poslovnog subjekta nalazi na popisu dozvoljenih djelatnosti obuhvaćenih podtačkom d) tačke 3.1 Opći uslov - obavljanje registrovane osnovne djelatnosti iz ovog Godišnjeg plana čime privredni subjekt dokazuje pravo na podnošenje zahtjeva za dodjelu poticajnih sredstava. Također, podnosilac prijave dužan je dostaviti račune/predračune/profakture/ponude u vrijednosti od najmanje 3.000,00 KM za nabavku osnovnih sredstava, tehnike i opreme (osim mobilnog telefona), mašina i alata za modernizaciju i inovaciju poslovnih procesa (koja se koristi u vremenu dužem od jedne godine), te za uvođenje sistema međunarodnih standarda kvalitete, troškova certificiranja sistema i certificiranja proizvoda (CE oznaka) i troškova sticanja prava ili obnavljanja upotrebe: ISO, HACCP, HALAL i drugih međunarodno priznatih standarda. Prihvatljivi troškovi su i troškovi finansiranja stručnog usavršavanja zaposlenika, odnosno troškovi unapređenja standarda kvaliteta kroz osiguranje potrebnih certifikata o stručnom usavršavanju zaposlenika.



Neprihvatljivi troškovi su: kupovina zemljišta, stana/kuće, vanjski građevinski radovi i nabavka, kupovina i najam svih vrsta vozila osim teretnih vozila registrovanih na odnosni subjekt male privrede, troškovi električne energije, vode i drugi komunalni troškovi, troškovi repromaterijala, opreme, te svi ostali troškovi koji nisu navedeni kao prihvatljivi. Računi na kojima nisu jasno vidljive sve specificirane stavke ili su iste prilikom sačinjavanja fotokopija prekrivene fiskalnim računom nisu prihvatljiv trošak. Također, dostavljene ponude, predračuni i troškovnici ne predstavljaju prihvatljiv dokaz o namjenskom trošenju sredstava. Nalog za plaćanje, kompenzacija i cesija ne prihvaćaju se kao dokaz o izvršenom plaćanju. Napomena: Pravo ne mogu ostvariti privredni subjekti koji su za bilo koju navedenu namjenu ostvarili subvenciju, donaciju ili drugi vid finansijske pomoći. Odabrani korisnik poticajnih sredstava subvencije/refundacije za prihvatljive troškove po ovom programu obavezan je da nakon zaključenog ugovora sa Ministarstvom, a prije uplate odobrenih sredstava na dostavljeni transakcijski račun, dostavi odgovarajuće račune uz obavezan fiskalni račun (ukoliko postoji zakonska obaveza izdavanja) kojima dokazuje odnosni namjenski trošak po osnovu kojeg su istom korisniku u skladu sa njegovom prijavom odobrena sredstva, kao i da dostavi dokaze o plaćanju istih računa (izvode iz banke), te fotodokumentaciju mašina, postrojenja i opreme koja je nabavljena i kojima potvrđuje da je realizovao prihvatljive aktivnosti u skladu sa javnim pozivom i podnesenom prijavom (računima/predračunima/ponudama). Svi ovi i drugi dokazi koje dostavlja korisnik moraju biti zasnovani/nastali i plaćeni u 2024. godini nakon dana objave javnog poziva po ovom programu za aktivnosti po osnovu kojih su korisniku sredstva odobrena.

Svrha	Jačanje konkurentnosti i poticaj razvoja postojećih subjekata male privrede u 2024. godini putem subvencioniranja prihvatljivih dokumentiranih troškova koji omogućavaju ekonomsku stabilnost poslovnih subjekata, održavanje postojećih radnih mjesta i novo upošljavanje, pokretanje nove i održavanje postojeće proizvodnje, prevazilaženje negativnih učinaka ekonomske krize i povećanje izvoza i troškova stjecanja prava ili obnavljanja upotrebe međunarodno priznatih standarda
Korisnici	Subjekti male privrede
Nosilac aktivnosti	Ministarstvo privrede Kantona Sarajevo
Aktivnost	Finansijski poticaji poduzetnicima koji vrše nabavku osnovnih sredstava, mašina i opreme ili unaprjeđuju postojeće tehnologije i tehnološke postupke Finansijski poticaji poduzetnicima za međunarodne standarde kvalitete
Indikator realizacije	Broj subjekata koji su podnijeli prijavu (min. 20 subjekata) Realizovani poticaji u najmanje 10 subjekata Novo zapošljavanje (min. 5 osoba), rast izvoza
Prihvatljivi troškovi	Osnovna sredstva, mašine, alati i oprema za obavljanje djelatnosti Kupovina odgovarajuće informatičke opreme za rad (osim mobilnog telefona), Računi za uvođenje međunarodnih standarda kvalitete, troškovi certificiranja proizvoda (CE oznaka) i troškovi sticanja prava upotrebe: ISO, HACCP, HALAL i drugih međunarodno priznatih standarda



#### 4.2.10 Program: „Poticaj razvoja ženskog poduzetništva“

##### Pravo i uslovi za dodjelu poticajnih sredstava

Pravo na dodjelu poticajnih grant sredstava za subvencioniranje dijela troškova nastalih i plaćenih u 2022. i 2023. godini ostvaruju pravna i fizička lica koja trajno obavljaju zakonom dozvoljene djelatnosti radi ostvarivanja dohotka odnosno dobiti na način kako je propisano Zakonom, sa sjedištem na području Kantona Sarajevo i koji su u minimalno 51% privatnom vlasništvu žena državljanke Bosne i Hercegovine, zapošljavaju najmanje jednog zaposlenog na neodređeno vrijeme u punom radnom vremenu (vlasnica ili jedan zaposlenik). Pravo ostvaruju subjekti male privrede koji obavljaju osnovnu djelatnost obuhvaćenu podtačkom d) tačke 3.1 Opći uslov - obavljanje registrovane osnovne djelatnosti iz ovog Godišnjeg plana. Pravo na poticajna sredstva za subvencioniranje (refundiranje) dijela plaćenih troškova u 2022. i 2023. godini poslovni subjekti ostvaruju za sljedeće aktivnosti: nabavku mašina, postrojenja, alata i opreme, tehnike (osim mobilnog telefona) koja se koristi u vremenu dužem od jedne godine, te za unutrašnje uređenje poslovnog prostora u cilju prilagođavanja novim poslovima i ukoliko je izvođač odnosnih radova uređenja poslovni subjekt registriran za obavljanje tih radova; ulaganje u razvoj i nabavu novih tehnologija; ulaganje u povećanje postojećih proizvodnih kapaciteta i usluga, te za troškove zakupa poslovnog prostora i za troškove registracije i pokretanja poslovnog subjekta, ukoliko dokažu da su sredstva koristili za te namjene. Prihvatljivi troškovi su i troškovi finansiranja stručnog usavršavanja zaposlenika, odnosno troškovi unapređenja standarda kvaliteta kroz osiguranje potrebnih certifikata o stručnom usavršavanju zaposlenika.

Neprihvatljivi troškovi su: kupovina zemljišta, stana/kuće, vanjski građevinski radovi i nabavka, kupovina i najam svih vrsta motornih vozila osim nabavke teretnih vozila i radnih mašina registrovanih na odnosni subjekt male privrede, troškovi električne energije, vode i drugi komunalni troškovi, troškovi repromaterijala, opreme, te svi ostali troškovi koji nisu navedeni kao prihvatljivi. Računi na kojima nisu jasno vidljive sve specificirane stavke ili su iste prilikom sačinjavanja fotokopija prekrivene fiskalnim računom nisu prihvatljiv trošak. Također, dostavljene ponude, predračuni i troškovnici ne predstavljaju prihvatljiv dokaz o namjenskom trošenju sredstava. Napomena: Nalog za plaćanje, kompenzacija i cesija ne prihvaćaju se kao dokaz o izvršenom plaćanju. Pravo ne mogu ostvariti privredni subjekti koji su za bilo koju navedenu namjenu u navedenom periodu ostvarili subvenciju, donaciju ili drugi vid finansijske pomoći.

##### Namjena utroška odobrenih poticajnih sredstava

Korisnik sredstava je obavezan da odobrena sredstva po ovom programu utroši za jačanje konkurentnosti i poticaj razvoja postojećeg poslovnog subjekta, ekonomsku stabilnost poslovnog subjekta, održavanje postojećeg broja radnih mjesta, novo upošljavanje, pokretanje nove i održavanje postojeće proizvodnje, prevazilaženje negativnih učinaka ekonomske krize, povećanje izvoza, dobijanje i obnavljanje odgovarajućih certifikata. Korisnik je obavezan dostaviti dokaze o utrošku sredstava za: modernizaciju i inovaciju poslovnih procesa, te za uvođenje sistema međunarodnih standarda kvalitete, kupovinu mašina, tehnike (osim mobilnog telefona), alata i opreme koja se koristi u vremenu dužem od jedne godine. Korisnik sredstava je dužan opravdati trošak dodijeljenih poticajnih sredstava sa odgovarajućom dokumentacijom datiranom poslije dana objave javnog poziva. Ministarstvo će za sva neopravdana sredstva pokrenuti proceduru povrata sredstava uz pripadajuću zakonsku kamatu. Korisnik poticajnih sredstava obavezan je zadržati broj uposlenih koji je imao na dan podnošenja prijave do trenutka podnošenja izvještaja o realizaciji utroška dodijeljenih poticajnih sredstava, a što dokazuje dostavljanjem uvjerenja Porezne uprave Federacije BiH o izmirenim obavezama po osnovu poreza i doprinosa zajedno sa listom osiguranih osoba za obveznika uz odgovarajući Izvještaj o utrošku poticajnih sredstava.

### Iznos poticajnih sredstava

Godišnjim planom za ovaj Program planiran je ukupan iznos od 500.000,00 KM. Sredstva za subvencioniranje/refundiranje dijela prihvatljivih troškova u visini do 50% troškova za navedene prihvatljive aktivnosti uplaćuju se na račun korisnika po osnovu, između ostalog dostavljenih računa kojima se dokazuje prihvatljivo korištenje sredstava i dostavljenog dokaza o plaćanju računa (izvod iz banke ili potvrda banke o realizovanom nalogu). Minimalni iznos prihvatljivih troškova koje je podnosilac prijave obavezan dostaviti je 3.000,00 KM. Maksimalan iznos poticaja po jednom korisniku sredstava u skladu sa ovim programom može iznositi najviše 50.000,00 KM. Sredstva se dodjeljuju isključivo za troškove nastale i plaćene u periodu od 01.01.2022. godine do 31.12.2023. godine.

### Uslovi i kriteriji za izbor korisnika poticajnih sredstava

Podnosioci prijave su obavezni da dostave Obavještenje Službe za statistiku o razvrstavanju djelatnosti prema KD BiH 2010 na osnovu kojeg se utvrđuje da je navedena osnovna djelatnost obuhvaćena podtačkom d) tačke 3.1 Opći uslov - obavljanje registrovane osnovne djelatnosti iz ovog Godišnjeg plana, čime privredni subjekt dokazuje pravo podnošenja zahtjeva za dodjelu poticajnih grant sredstava. Kriteriji za izbor korisnika poticajnih grant sredstava za ove namjene su: dostavljanje računa uz obavezan fiskalni račun (ukoliko postoji zakonska obaveza izdavanja), i drugih dokaza o vrijednosti kupljenih mašina i opreme koja nije starija od deset godina i koja je nabavljena od registrovanih poslovnih subjekata uz obavezan fiskalni račun (ukoliko postoji zakonska obaveza izdavanja), te zaključeni ugovori subjekata male privrede iz 2022. i 2023. godine o uvođenju sistema međunarodnih standarda kvalitete i u vezi sa tim od strane registrovanih institucija odgovarajuće konsultantske usluge ili edukacije, za digitalizaciju poslovanja, te dostavljanje dokaza o plaćanju navedenih troškova. Podnosioci prijave su obavezni da podnesu adekvatne dokaze: račune uz obavezan fiskalni račun (ukoliko postoji zakonska obaveza izdavanja) i izvode iz banke ili potvrde banke o realizovanom nalogu za plaćene troškove za uvođenje i certificiranje kvaliteta, i druge standarde EU, dokaz o posjedovanju certifikata izdatog od ovlaštene certifikacijske organizacije u 2022. i 2023. godini; imaju dokaz o obnovljenom standardu u 2022. i 2023. godini; imaju osiguran CE znak u 2022. i 2023. godini ili posjeduju Tehnički fajl - dosije (naslovna strana) sa pripadajućim procedurama, uputstvima, zapisima za osiguranje kvalitete proizvoda i dokazima o izvršenim uslugama. Ostali uslovi i kriteriji se definišu u javnom pozivu.

Svrha	Poticaj poduzetničkih aktivnosti žena i promocija ženskog poduzetništva
Korisnici	Subjekti male privrede u skladu sa Zakonom o poticaju razvoja male privrede, koji su u vlasništvu žena (min. 20% vlasništva)
Nosilac aktivnosti	Ministarstvo privrede Kantona Sarajevo
Način provođenja	Javni poziv
Aktivnosti	Finansijski poticaji za subvencioniranje – refundiranje prihvatljivih dokumentiranih troškova koji će omogućiti održavanje postojećih radnih mjesta i novo upošljavanje, te prevazilaženje negativnih učinaka ekonomske krize za žene poduzetnice
Indikator realizacije	Broj subjekata koji su podnijeli prijavu (min. 30 prijava) Broj i iznos odobrenih poticajnih grant sredstava (minimalno 15 korisnika) Realizirane investicije i povećani broj zaposlenih u subjektima (min. 5 novozaposlenih osoba)
Izvori finansiranja	Budžet Kantona Sarajevo – Ministarstvo privrede Kantona Sarajevo



#### 4.2.11 Program: „Poticaj projektima promocije obrtništva“

##### Pravo i uslovi za dodjelu poticajnih sredstava

U skladu sa članom 12. tačka k) Zakona pravo na dodjelu poticajnih grant sredstava za sufinansiranje/finansiranje odgovarajućih prihvatljivih aktivnosti programa/projekta u skladu sa ovim programom i javnim pozivom ostvaruje Obrtnička Komora Kantona Sarajevo i udruženja obrtnika koja su uredno registrovana i djeluju na području Kantona Sarajevo. Podnosilac prijave mora obezbijediti vlastito učešće u visini od najmanje 10% od ukupne vrijednosti projekta i isti provesti nakon dana objave javnog poziva po ovom programu u 2024. godini u roku od najduže šest mjeseci.

##### Namjena utroška poticajnih sredstava

Poticaj za promociju obrtništva je program namijenjen za: razvoj i afirmaciju svih obrta, očuvanje obrtničke tradicije, kulturnog i historijskog naslijeđa tradicionalnih i starih obrtničkih djelatnosti, održavanje edukacija i promocija u cilju jačanja veza između obrazovnog sistema i obrtništva, subvencioniranje troškova obrtnika za učešće na sajmovima i izložbama u cilju jačanja veza između obrazovnog sistema i obrtništva, interesno umrežavanje obrtnika i organizovano zastupanje i predstavljanje interesa obrtnika.

##### Iznos poticajnih sredstava

Za provođenje ovog programa Godišnjim planom za 2024. godinu predviđen je iznos od 50.000,00 KM. Maksimalan iznos poticaja po jednom prihvaćenom programu/projektu može iznositi najviše do 20.000,00 KM. Sredstva za provođenje ovog programa su obezbijedena u Budžetu Kantona Sarajevo na poziciji "Poticaj razvoju male privrede" i bit će raspoređena na programe/projekte u skladu sa uslovima i kriterijima iz Javnog poziva. Korisnik poticajnih grant sredstava koji po ovom osnovu ostvari poticaj dužan je uz redovni Izvještaj dostaviti dokaze o utrošku vlastitih i odobrenih poticajnih sredstava.

##### Uslovi i kriteriji za izbor korisnika poticajnih sredstava

Uslovi i kriteriji za izbor korisnika poticajnih grant sredstava podrazumijevaju obavezno dostavljanje programa/projekta usklađenog sa namjenom sredstava. Program/projekat mora sadržavati sljedeće elemente: izvor i način finansiranja, broj članova udruženja obrtnika, organiziranost podnosioca prijave, ravnomjerniji lokalni razvoj, iznose i namjenu dosadašnjih poticaja od strane Federalnog ministarstva razvoja, poduzetništva i obrta. Podnesene prijave (aktivnosti dostavljenog programa/projekata) na osnovu kojih se iste ocjenjuju odnose se na: usklađenost ciljeva programa ili projekta sa ciljevima i prioritetnim oblastima iz strateških dokumenata, organizacijske kapacitete podnosioca prijave, dosadašnja iskustva podnosioca prijave u provođenju istog ili sličnih aktivnosti/programa/projekata, učešća drugih partnera u realizaciji, budžeta programa/projekta koji treba biti razrađen/specificiran sa informacijama o ukupnom iznosu finansijskih sredstava potrebnih za provođenje aktivnosti programa/projekta, iznosu koji se traži od davaoca sredstava, iznosu i namjeni vlastitih sredstava koje će podnosilac prijave sam uložiti u provođenje aktivnosti programa/projekta (sufinansiranje) i sl. Po ovom pojedinačnom programu, Ministarstvo će odbiti program/projekt podnosioca prijave ako isti ne zadovoljava uslove i kriterije iz ovog Godišnjeg plana i Javnog poziva.

Svrha	Promocija i unapređenje obrtništva u Kantonu Sarajevo
Korisnici	Obrtnička Komora Kantona Sarajevo i udruženja obrtnika koja su uredno registrovana i djeluju na području Kantona Sarajevo, a indirektno benefite ostvaruju obrtnici na području Kantona Sarajevo
Nosilac aktivnosti	Ministarstvo privrede Kantona Sarajevo



Način provođenja	Javni poziv
Aktivnosti	Finansijska podrška projektima udruženja obrtnika
Indikator realizacije	Broj i iznos odobrenih poticaja udruženjima obrtnika (do 3) Broj projekata/programa (do 5 programa) Broj organizovanih edukacija/promocija obrtničkih zanimanja (min. 30 edukacija/promocija i min. 200 učesnika)
Izvori finansiranja	Budžet Kantona Sarajevo - Ministarstvo privrede Kantona Sarajevo

Godišnji plan provođenja Programa razvoja male privrede za 2024. godinu obuhvata plan mjera i aktivnosti koje će Ministarstvo poduzimati kroz realizaciju pojedinačnih programa/projekata poticaja razvoja subjekata male privrede u Kantonu Sarajevo, a kojima će se postići da se osigura dovoljan stepen likvidnosti subjekata male privrede. Godišnji plan obuhvaća sljedeće pojedinačne programe: Obezbjedenje kreditiranja pod povoljnijim uslovima; Podrška za osnivanje poslovnih subjekata kategoriji stanovništva od 36-55 godina starosti; Podrška mladima za osnivanje poslovnih subjekata; Poticaj direktnih stranih ulaganja - Podrška za osnivanje pravnog lica čiji je osnivač strani ulagač; Poticaj za ulaganja novoosnovanih poslovnih subjekata registrovanih u 2023. i 2024. godini; Finansijski poticaj sa inkubacijom za novoosnovane poslovne subjekte; Poticaj za unapređenje poduzetništva u IT industriji, industriji globalnih poslovnih servisa, metalskoj industriji i drvnoprerađivačkoj industriji u svrhu novog zapošljavanja; Refundiranje troškova tehnološke modernizacije, primjene standarda kvaliteta i digitalizacije poslovanja; Poticaj za nova ulaganja u tehnološku modernizaciju i primjenu standarda kvaliteta; Poticaj razvoja ženskog poduzetništva i Poticaj projektima promocije obrtništva.

Ovim Godišnjim planom sve mjere i aktivnosti planirane su kako bi se stvorili uvjeti za daljnji ekonomski rast i razvoj obrta, malog i srednjeg poduzetništva i rast zaposlenosti, a programi su planirani u cilju daljnje stabilizacije i razvoja poduzetničkog okruženja, broja privrednih subjekata, očuvanja postojećih radnih mjesta i novih zapošljavanja u subjektima male privrede u Kantonu Sarajevo.



Dostaviti:

1. Predsjedavajući Skupštine Kantona Sarajevo,
2. Zamjenici predsjedavajućeg Skupštine Kantona Sarajevo (3x),
3. Premijer Kantona Sarajevo,
- ④ 4. Ministarstvo privrede Kantona Sarajevo.
5. Za objavu u „Službenim novinama Kantona Sarajevo“.
6. Evidencija.
7. A r h i v a.

